



嘉靖三十三年至三十七年

嘉靖三十三年

國權

甲寅嘉靖三十三年

正月寅朔上不朝

禮科都給事中張思靜等疏賀萬壽字平失各杖四十

丙午陝西城固地震

丁未京顏屬夷寇桃林閔叅將李意購禍首通漢械於邊

壬子康妃杜氏薨大興杜林女裕王母也禮部尚書歐陽

德等議喪禮累朝皇妃或未生皇子或子非居長而受封之

鹽官談遷孺木著

國或子直為東宮而先薨俱與今不同惟成化中淑妃紀氏薨所生皇子倫序居長與今事相類但彼時孝宗尚幼而今裕王已婚宜持服主喪送葬乃議輟朝五日裕王遵孝慈錄斬衰三年其儀伏人教視舊有加上覽之不悅輔臣以洪武七年太祖命吳王橐服貴人孫氏例對彼慈母猶爾况生母乎上命考賢妃鄭氏例以聞德等復上儀注制可冊謚榮淑康妃舊儀司禮監官拜上酒跪讀祝至是平立不拜尊上命也

巡撫河南右僉都御史楊宜為南京戶部右侍郎總督糧餉署太常寺事禮部右侍郎徐可成廢其徒咎義金太常典簿

戊辰倭自太倉潰圍出海轉掠蘓松

賜朶顏衛都督影克衣幣

己巳吏部文選郎中楊載鳴貶將樂典史時安慶推官郭來朝內召被劾削籍青吏部之濫尚書李默等奪俸二月

二月申朔許寧府支屬樂安弋陽建安諸王祭始封獻王

癸酉裁韓府襄陵王融焚奉祀安惠王樂戶部議親王薨絕不宜以郡王奉祀也

乙亥贈故歸德府檢校董倫同知柘城貢士陳聞詩鳳陽同

知倫大谷人師尚詔之亂巷戰死妻賈氏及從子皆遇害賊重聞詩劫脅之偽諾絕粒三日縊於鹿邑

蘭州地震

癸未南京刑部尚書顧應祥罷去年論囚得報踰冬至二日竟決之南京監察御史李尚智論當覆請遂予致仕

甲申兵部右侍郎余溥為左侍郎總督陝西兵部右侍郎賈

應春還部山東左布政使汪大受為右副都御史巡撫湖廣

甘肅總兵官王繼祖巡撫王誥以降人王真率百餘人出塞

搗虜那木孩策斬三十三級

襄陵王府奉國將軍偕沐手刃輔國將軍旭檜賜死

丁酉故戶部尚書督理西苑農事臨汾張潤贈太子少保諡

恭肅

倭患械應天巡撫彭黯下南京法司削籍黯時進南京工部

尚書

戊戌安鄉伯張坤卒

己亥甘州地震

參將盧鏜敗倭於史家海焚其舟無遺

三辛丑朔工部左侍郎陶尚德為南京刑部

巡撫遼東右

副都御史江東為兵部右侍郎總督陝西三邊軍務
代府饒陽王充焄奪爵幽鳳陽充焄利口捷給數侵代王廷
琦假言邊事陷巡撫何思總兵徐仁等又數訐代王及巡撫
侯鉞奏奪祿抗不肯承遣司禮監少監王瑜即訊始盡得其
奸

甲辰南京兵部右侍郎屠大山為兵部右侍郎兼右僉都御
史總理糧儲提督軍務兼巡撫應天

丙午工部右侍郎陸杰兼右僉都御史督脩顯陵
丁未寧夏地震有聲

丁卯吏部左侍郎王用賓為禮部尚書

庚午工部右侍郎郭登為左侍郎南京刑部右侍郎盧勳改
工部右侍郎陝西左布政使唐時英為右副都御史巡撫陝
西

都司劉恩星指揮張四維以舟師追倭於三岳山斬二十級
尋合指揮潘亨追勦擒三十餘人倭自赭山渡江至曹娥涉
三江瀝海直走定海之王家團復據普陀山焚劫海鹽龍王
塘乍浦長沙灣嘉興嘉善叅將盧鏜與把總劉隆潘鼎邀於
石墩洋斬二百餘級叅將俞大猷勦普陀山倭
賊突戰

失亡三百餘人海盜蕭顯敗於慈溪

四五月申翰林院編脩潘晟為侍讀

甲戌封載城華容王載塤延津王高橋弘農王倪煥真寧王

萬壽陽王謨塹通渭王致杺玩陵王憲赫廣元王載塤金

溪王多焜弋陽王

乙亥都人大疫設藥散米賑之

始雷初上諭禮部雷未發聲亟脩省

衡永間盜起

倭自海鹽趨嘉興參將盧鏜戰於孟家堰喪卒千有四百七

十五人指揮李元律千戶薛綱宋應瀾等死之乘勝據海

石墩山都指揮周應禎擊之亦敗沒

戊寅西安山丹永昌等地震

倭陷嘉善廣西百戶賴榮華死之

辛巳禮部左侍郎兼學士閔如霖署院

倭攻嘉興城兵巡副使陳宗夔禦卻之分犯平湖海寧

壬午秦州地震

吏部右侍郎葛守禮為左侍郎禮部右侍郎郭朴為吏部

侍郎南京大理寺卿張鏊為工部右侍郎

倭薄通州城揚州衛千戶洪岱文昌齡泰州所千戶王烈來
援通州至西門三里橋敗沒叅將解明道守通州卻之有鄉
人曹鼎勇甚屢殺倭功第一竟戰死倭屯掘港恣掠守備張
壽楊縉先後失利

癸未改射所於宣武門外故地為演象所

乙酉 榮淑康妃葬金山

倭夜陷崇明殺知縣唐一岑贈光祿寺丞予祠廕

丙戌秦州禮縣地震

戊子慈谿民冢地涌血高尺許

癸巳諭閣臣宣大總督蘇祐一年老罷之進賈應春為兵

部左侍郎兼右僉都御史總督宣大

虜寇宣府嵩峪等堡

乙未太原大同地震

周府清河王睦校薨謚榮僖

丁酉錄外城勞內官監少監郭輝廕錦衣百戶進平江伯陳

圭太子太傅錦衣左都督陸炳太保各廕百戶兵部尚書聶

豹太子少傅工部尚書歐陽必進太子少保各廕子入監兵

部右侍郎許論為左侍郎都指揮使朱希孝進都督同知

虜自宣府柴溝堡潰墻入大掠而去

戊戌工部右侍郎盧勳兼右僉都御史督脩顯陵

海盜王直巢柘林連絡二百里一趨太倉一趨崑山

虜寇雲州赤城毀堡二十餘座殺掠人畜

五月庚子朔南京吏部右侍郎茅瓚改禮部右侍郎翰林脩撰沈

坤為南京右春坊右諭德署院事

辛丑災傷折淮安漕八千六百石

壬寅倭自崇明薄蘓州大掠

癸卯安置薊鎮降夷百有四人於南方

丙午山西和順人左文英獻瑞兔賜金幣

丁未倭陷崇德縣大掠而去

己酉戶部右侍郎謝九儀改兵部右侍郎

庚戌設整飭淮揚兵備湖廣副使張景賢專理海防駐泰州

壬子兵部左侍郎賈應春仍提督陝西三邊協理戎政兵部

左侍郎許論兼右僉都御史總督山西宣大

議遣叅將李逢時以山東民兵三千人勦南倭徐階言其怯

劣宜改選

夜月食

丙辰虜寇水溝墩寧夏叅將王寶拒卻之

丁巳倭患南京兵部尚書張經兼右副都御史總督浙直山

東兩廣福建軍務便宜從事

戊午巡按山西監察御史宋儀望言桑乾河源出金龍池下甕

城驛右定橋會衆水東下蘆溝約千餘里在大同則卜村稍有

亂石在宣府則黑龍灣有石崖頗險其險與亂石僅四五十里水淺亦二三

尺為甚易撫臣侯鈇嘗乘小舟至懷來過卜村踰黑龍灣皆坦行亡

虞更自懷來載米三十石逆水而上竟達古定橋則河足便

漕明甚又都御史趙錦嘗使人從桑乾河水行千里直抵大

同城下誠令跡鑿不惟通漕而河水深廣又可以捍

兩利部議以重役竟寢

庚申倭攻如皋不克主簿閻士奇敗之東陳鎮已薄城值穎

州兵擊敗之

辛酉左副都御史倪嵩為戶部右侍郎兵部右侍郎謝九儀

協理京營戎政

增泰興把總防守周家橋

癸亥夜羣見天北權星旁

甲子命福建道御史溫景葵兵部主事張四知 兵山東禦倭

乙丑議招海盜王直兵科都給事中王國楨言非策兵部以
直本徽人同徐惟學李大用入海已悔之嘗捕寇自贖有司
不急收之遂貽大患臣等竊微岳飛之收黃佐楊公黨即降直無害上信國
楨言令張經一意勤賊彼有從宥之戎首不赦

談遷曰招盜非策也半東南之盜而盡之殲於何日古人
宥脅從誅渠魁權固有在王直亡命海中其機智足用久
困波濤島嶼間悔罪顧未有路耳然盜為我用必我之控
縱出尋常籠絡之外始足以絕其邪心制其死命朝廷徒
下尺一付之齷齪庸臣適開侮弄之資本兵聶貞

岳飛之收黃佐望於王直吾謂先得岳飛其人不足
佐也

丙寅選授陳耀文朱文漢高敏學紀公巡操守經遠袁世榮孫濬湯日
新為給事中楊惟平嚴杰文希儒侯東萊符允中黃正色楊
儲曾承芳王用康李正彝沈陽屠仲律為試監察御史文漢
東萊仲律希儒並南京

策益都地震

六月庚午朔未辛行西北犯文昌

壬申順天府尹雷禮為工部右侍郎大理寺卿良才為兵

部右侍郎

復江南管河郎中尋責成巡撫罷之

籍京師原募民兵充巡捕營

癸酉虜萬餘騎犯五堡大同左衛威寧等處總兵岳懋道巡邊迎擊之至青屹塔陷伏死之贈少師左都督諡壯愍世廕指揮使立祠

兵部尚書聶豹言虜勢不常風雨而鎮卒疲困今欲與抗徒覆亡無益夫本折相兼按月給糈祖宗舊制苟為不復是孤注兩鎮也其何以覆盂三輔於是命遣御史覈議邊

已丑夜彗行近濁而沒

械前宣大總督蘓祐大同巡撫都御史侯鉞削籍刑部右侍郎陳儒兼右僉都御史賑大同饑發帑金五萬兩督許論暫兼大同巡撫

壬辰改王忬右副都御史巡撫山西督理軍務

使李天寵為右僉都御史巡撫浙江及福興漳

甲午定土官襲職納粟折銀例如宣慰使 千石納

次五百石納三百金自知府下各

乙未京師大雨水平地水深數尺

王田伯蔣榮裕陵不克至

丙申南京刑部右侍郎沈應龍充

丁酉增揚州府同知駐瓜州捕盜

總督宣大兵部左侍郎許論上言大同地勢平行固戰場也先年乘障列師千里不蔽風日於是守臺之說起矣然臺列垣內而賊攻垣則臺難顧臺連垣達而賊登垣則臺易潰是二者猶石田矣烏所用哉若臺於垣外賊至則擊少頃則堡兵至次則援兵亦集四面合勢彼能從天下乎賊攻臺亦如之臺垣相扞緩賊勢壯士胆明烽火便稽覈大

約大同不過建臺六百費九萬金而所省調集百萬從之

七月子發帑金十萬賑宣大

番賊糾倭入寇廣東官軍擊敗之

壬寅福建左布政使劉宗為右副都御史巡撫山東南京國子祭酒尹臺為國子祭酒

丙午倭自蘓州掠嘉善轉趨松江出海叅將俞大猷敗之吳

淞所斬百十三級擒七人

戊申西苑產嘉穀鄭府盟津王子祐榘復獻七十八本告太

廟

乙卯倭遁出金山洋指揮任錦邀擊之銅礮斬三十八級擒
十三人

丙辰國子司業林廷機為南京國子祭酒

戊午駙馬都尉鄔景和安平伯方承裕吏部尚書李默禮部
尚書王用賓左都督陸炳並直西內署詹事府事吏部左侍
郎程文德署翰林院禮部左侍郎閔如霖吏禮部右侍郎郭
朴吳山並撰玄文

辛酉秦府沂陽王秉榛薨謚莊靖

癸亥量蠲浙直兵荒田租

乙丑張經徵田州歸順南丹東蘭那地狼兵五千人禦倭起

貴州總兵白滋廣西都指揮鄒繼芳為游擊將軍

丙寅徽府嘉定王厚懌薨謚宣惠

戊辰免大名內黃水災田租

八月己朔脩如臯海門泰興鹽城海州城

辛未壽節恩進徐階太子太傅武英殿大學士李本太子太

保文淵閣大學士嚴嵩子世蕃工部右侍郎治部事嵩以任

子辭朱希忠陶仲文各蔭錦衣百戶

甲戌趙府襄邑王厚壝薨謚端順

乙亥虜數萬分道寇平虜衛

故禮科右給事中錢薇卒

海鹽人

壬辰進士

自行人擢垣中敢言以論郭勛刺宮僚削籍隆慶初贈太常

少卿

庚辰虜至朔州掠六日

辛巳故崇明知縣唐一岑贈光祿寺丞一岑廣西人貢士

癸未柘林倭攻嘉定募兵參將李逢時許國以山東牙兵六

千人戰新涇橋敗之賊退據羅店鎮追及之擒斬八十餘人

乙酉虜出朔州

丁亥巡撫應天兵部右侍郎兼右僉都御史屠大

巳丑命戶部市龍涎香

庚寅起周琬右僉都御史總理糧儲提督軍務兼巡撫應天

撫治鄖陽右僉都御史張舜臣為南京大理寺卿

山東兵追倭至採洵港乘勝深入賊僅數舟繫被射之不

動忽蘆葦中十六人橫刀躍出我兵潰殺溺千餘人初新涇

之捷李逢時功最許國媿之別道乃從聞進欲分其功會大雨指揮

劉勇千戶孫升胡應麟鎮撫李繼攷等先敗沒諸軍繼之倉

卒不整遂大敗

乙未虜寇宣府小白陽堡雲州鵬鶚永寧懷來時軍士逃亡其半總兵劉大章畏虜不敢戰遙望數日引軍而歸

丁酉免順天水災田租

增南京新江口兵舡二百艘向四百艘

戊戌贈夏光都指揮同知

九月亥朔免蘓松常鎮田租

庚子套虜屢患邊總兵姜應熊委千戶孟鸞以千人至紅井值之斬一百四十餘級

辛丑湖廣左布政使馮天馭為右副都御史撫治

乙卯倭七十餘人犯海門兵備副使張景賢殲之

丁巳罷提督軍務都督僉事時陳

已未虜寇平虜城官兵擊走之斬百七十級

蠲武昌漢陽承天德安荆岳黃旱災田租

岷府遂安王譽榘薨

辛酉署指揮僉事神機營副將趙卿提督軍務駐懷來隆慶

壬戌故太子太保吏部尚書熊浹卒浹字說之南昌人正德

甲戌進士授禮科給事中以議禮見知自河南叅議召尋擢右

僉都御史在吏部諫箕仙削籍少有志節自守甚嚴持議侃

侃恬於寵利始終進退有大臣風隆慶初復官贈少保諡恭
肅

暹羅國王勃略坤息利尤池呀來貢
總督京營戎政平江伯陳圭兵部尚書聶豹爭班軍職掌命
歸之戎政

駙馬都尉鄔景和削籍景和直西苑辭玄文不習 上不悅
時有事清馥殿間罷直即先出須賞跡辭乞洗心滌慮以效
他日馬革裹屍啣環結草之報 工摘其裹屍為怨訛奪爵
安置峴山時諸臣覬撰玄榮進景和獨不屑直贊諸臣方之

冒媿多矣

癸亥倭患罷浙江貢鮮

給山東翰林五經博士曾氏土田

乙丑免保定水災田租

東虜把都兒打來孫等數萬衆自虎頭山突犯潮河川龍王
峪總兵周益昌馮墻禦之

丙寅益昌擊虜多傷又虜攻沙嶺孤山俱不克

丁卯虜薄古北口又犯大同平虜衛

十月己巳發閭金勞薊鎮守墻吏卒 上聞警

督楊博總兵周益昌擢甲登陴宿止塞垣後官贈少保

庚午虜遁楊博募死士潛入虜營夜齊發虜驚擾徹旦

壬申城前應天巡撫兵部右侍郎屠大山叅將許國李逢時

副總兵官解明道至京大山削籍國等論死罪禦倭失事也

甲戌妖賊呂鶴通虜就擒總督許論進右都御史仍總督

乙亥倭犯海門健跳所松門閩薄於靈門台州知府宋治與

把總劉堂太平知縣方輅擊破之

停刑

丙子晉府靖安王表秩薨謚端僖

廣東撫按請存問前南京吏部尚書湛若水九十報寢

陝西蘭州地震

大同墻外增築墩臺

丁丑刑部左侍郎王學益為南京右都御史翰林編脩董份

為右春坊右中允署國子司業

戊寅海盜犯潮州柘林指揮黑孟陽以舟師殲之

辛巳改張經右都御史兼兵部右侍郎專總督軍務討賊解

兵部事南京吏部尚書周延改南京兵部尚書

癸未夜金星見

浙倭續至萬餘人分掠樂清黃巖東陽永

戊子賑濟宣大侍郎陳儒還部

壬辰倭三千餘人自金山突掠西海口

甲午告南北之捷於郊廟社稷

十一月戊戌朔德府臨朐王厚熾薨

癸卯總督薊遼楊博進右都御史兼兵部右侍郎總督宣大

許論兵部尚書兼右副都御史各廕錦衣千戶薊鎮總兵周

益昌山西韓承慶各都督同知廕本衛副千戶巡撫薊鎮吳

嘉會山西王崇古各兵部右侍郎兼右僉都御史廕子太學

宣府總兵劉大章右都督巡撫劉廷臣右副都御史大同巡

撫王忬兵部右侍郎兼右僉都御史餘陞賞有差

進安平伯方承裕兵部尚書聶勳並太子太保吏禮部尚書

李默王用賓並太子少保

前南京工部右侍郎歐陽整卒

戊申吏禮部尚書李默王用賓俱兼翰林學士侍郎郭朴吳

山俱兼侍讀學士

己酉方炳嗣南和伯方東子

濮州地震

壬子勅總督湖廣川貴侍郎馮岳節制容美十四司容美田世爵與把隘土官向元楫仇殺故有是命

甲寅倭犯松江青村所官兵禦之不克

戊午刑部右侍郎陳儒為左侍郎南京兵部右侍郎蔡雲程

改刑部右侍郎四川巡撫右副都御史張臬為南京刑部右

侍郎

庚申逮禮部儀制郎中聶靜廷杖削籍冬至表賀複寫不敬

壬戌柘林倭分掠嘉湖

甲子順天府尹扈永通赴任失期降河南按察副使

提督兩廣兵部右侍郎鮑象賢為南京兵部右侍郎太僕寺

卿羅廷繡為右僉都御史巡撫四川

倭二百餘人登海門港趨台州仙居新昌嵯縣屯於紹興柯

橋村署海道副使陳應魁叅將俞大猷率會稽典史吳成器

擊破之

十二月丁卯朔陝西階解州地震

總督陝西兵部左侍郎賈應春進右都御

應

熊為都督同知巡撫王夢弼為右副都御史餘陞賞有差

戊辰崇信伯費煒卒

司禮太監黃佐錦衣左都督陸炳各廕錦衣百戶廠衛緝獲

功

壬申禱雪

癸酉永康侯徐源卒

南贛巡撫右副都御史談愷為兵部右侍郎兼右僉都御史

提督兩廣兼巡撫

甲戌遣還山東民兵

調永順宣慰使彭明輔保靖宣慰使彭蓋臣兵各三千人勦

倭

乙亥龍潭安撫司叛夷黃俊就擒施州平

丁丑夜月犯畢宿

戊寅都下盜起

詔前貴州總兵官沈希儀松潘副總兵何卿各率私屬聽張
經勦倭

己卯司禮太監黃錦等乞免核各監局匠役許之

辛巳浙江領兵僉事羅拱辰改寧紹台兵

癸未南京光祿寺卿汪尚寧為右副都御

漳

兵部尚書聶豹請申飭督撫繕城治械守要害練土著明賞
罰及有司去留甚者軍法從事 上是之豹初盛稱南北戰
功謝玄受賞及警甚虞譴故言此避責

戊子錦衣衛南鎮撫司管軍事許場指揮僉事郭朝廉俱錦衣
衛僉書

己丑大風霾

代府吉陽王聰注薨

太保兼太子太傅總督京營戎政平江伯陳圭卒贈太傅謚

武襄

庚寅倭陷青村所

南京兵部右侍郎鮑象賢劾免

福建福州地震

癸巳鎮遠侯顧寰復總督京營戎政

增整饒昌平兵備僉事

甲午英國公張溶安平伯方承裕左都督陸炳請賜乘輿許

之不為例

乙卯嘉靖三十四年

正月酉朔上不朝

柘林倭犯乍浦海寧攻陷崇德趨杭州復攻德清殺把總梁

鷄指揮周全孫智百戶陸陵周應辰副理問陶一貫

倭警南京左府豐潤曹松伯專督孝陵防護南京中府僉書署都

督僉事萬表總兵提督漕運鎮淮安

戊申太子太保左都御史屠僑卒僑字

浙江鄞縣人正德辛

未進士授御史守保定累遷刑部侍郎自免尋起官歷官四

十餘年以清正聞居常退遜若不勝臨事迄不可奪贈少保

謚簡肅

庚戌刑部左侍郎陳儒核宣大侵沒屯田宣府四千五十餘

頃大同五百八十餘頃定則起科

應天府越囚逮府尹李珊

京師大水停內外匠作

癸丑保定總兵官署都督歐陽安充總兵官鎮守宣府命紫荊關參將祝福改副總兵鎮守居庸昌

平

庚申南京兵部尚書周延為左都御史南京工部右侍郎張

鏊改南京兵部右侍郎

癸亥朱法襲五經博士

增常鎮兵備副使叅將各一

乙丑前兵部左侍郎張時徹為南京兵部尚書巡撫雲南右副都御史孫世祐為南京工部右侍郎

虜謀趙龍等伏誅

總督京營鎮遠侯顧寰工部尚書吳鶴脩山陵橋垣

二月酉罷開膠萊河議初御史何廷鈺請^疏濟下山東撫按官行

視至是上言新河鑿自元時南北通海口自淮安風順僅三

四日程然馬家濠未畢工於元人分水嶺又高阜礮砌灘瀨

諸石多為阻議者輒難之臣竊觀副使王獻用火鍛鑿濠石

已有驗尋遷去不果竟分水嶺實白河至此分派相地勢亦

不甚峻諸灘瀨人力可施頃奉命往度估費百六十萬臣寡

心計擬以所估三分之一先給其一歲終總會幾何則次歲可

定第白現張魯諸河其水多沙膠河源稍盛又不能達分水

嶺以南通引海潮新河所在處高鑿必八九尺深方可平恐

泉溢人難住足是以司道諸臣慮及於泉源不足而議築閘

壩時瀦泄又慮山水驟發輒為敗臣愚以為事有可成何惜

工費但詢謀貴同乞下部酌行止有旨報罷

丙子^{陝西}階州地震

開密雲白河濟糧運

丁丑山西巡撫右僉都御史王崇古為兵部右侍郎兼右副

都御史

前大同總兵官吳瑛坐奸欺下法司遼東總兵官趙國忠劾

免

右府南寧伯毛重器卒

虜分寇宣府懷來龍門城

己卯南京禮部尚書王崇慶改南京吏部尚書西川左布政

使周采為右副都御史巡撫雲南

甲申代府潞城王俊核覈

丙戌工部右侍郎趙文華祭告海神兼察視江南軍情由嚴

嵩薦之益馮寵納賄戰士解體徵率天下賊勢愈盛嵩引用匪人之罪也

禮部右侍郎茅瓚國子祭酒尹臺並改少詹事兼侍讀學士

同撰玄內直尹臺尋署翰林院事

戊子禮部左侍郎閔如霖改吏部左侍郎署詹事府事

辛卯脩南京城

司經局洗馬兼翰林脩撰郭鏊為國子祭酒

壬辰灾傷折淮揚漕十之三

甲午右春坊右中允署國子司業董份還

兵部尚書聶豹免豹推薦多不當工薄之諭嚴嵩等豹年

衰不勝任遂引疾閑任豹嘗守松江識徐階於微嘗故庚戌

階力薦之不二年遽進本兵其人無他長左不知兵非聖明

自察疇為去之南還阻倭姑蘇或問英舉孟氏制梃撻秦楚

之說人傳為笑

虜千餘騎入馬蘭峪寬佃谷叅將趙傾葵指揮褚文明李湘

周官千戶黃世勳段啓元百戶孫世爵同敗沒總兵周益昌

自建昌營馳援分據閔隘虜不意大兵至遽引去餘衆多棄

馬緣崖而走獲二十餘級馬四百二十餘匹贈傾葵都督同

知廕副千戶謚忠壯

三丙申朔總督薊遼保定右都御史楊博為兵部尚書

己亥增廣西姚安府通判

庚子翰林檢討朱大韶改南京國子司業

簡山東河南民兵三千人入衛餘班軍徵金助邊

辛丑高州地震

大同巡撫兵部右侍郎王忬為兵部左侍郎總督薊遼保定

壬寅沂州地震

倭五千餘人登上海董邦政戰浦東陸氏園不利有紅衣賊

躍馬舞刀甚銳防兵陳銳斬之賊悞退邦政立拜瑞千戶

癸卯湖廣藍山縣猛賊平

甲辰陳王謨嗣平江伯陳圭孫

四川右布政使齊宗道為右僉都御史巡撫大同

山西渾源盜郭尚儒等平

丁未賜蘓松海防僉事董邦政四品服俸金幣錄其倭功也

逮崇德知縣蔡本端下法司戍邊

壬子西苑作神應軒

甲寅李和尚寧安公主

勅湖廣鎮守叅將以兵移駐五溪長官司

蘓松兵備僉事任環督叅將解明道等以舟師敗倭於南沙野茅洪斬百

級

故大同指揮僉事薛綦贈都督僉事附岳懋祠廕正千戶

己未翰林編脩高拱為侍讀

癸亥城固地震

清理四川鹽法

虜寇大同右衛山陰懷仁

四

胡辰田州土官婦瓦氏率兵至蕪州瓦氏岑彭妾也整暇善兵

盡還民兵罷其部職方郎中張重罪其役占

俞大猷以狼兵擊倭於曹涇敗績喪二千餘人賊初畏狼兵

稍戢至是復肆掠

乙亥倭登通州餘東場海門東夾港涿劫狼山利河呂四餘

西

丙子江北倭突入通州南門

遼東塞外屬夷孫臚穩克等俘斬北虜賞之

戊寅議雲南鑄錢凡兩廣福建山東產銅者俱如之

己遣工部員外郎尚董往雲南劾免

己卯吏部左侍郎葛守禮為南京禮部尚書

汰侍衛官旂將軍二百三人留千二百八十六人

辛巳巡按浙江監察御史胡宗憲請移檄日本國王詰叛夷

許之

濬蘆溝河

壬午宣府西路叅將馬芳移大同東路叅將

前南京工部尚書彭鰲卒鰲安福人正德癸未進士

癸未永順宣慰司官舍彭翼南保靖宣慰使彭蓋臣各兵三
千人致仕宣慰使彭明輔等兵二千人俱至松江
足破倭賞格

叙兩廣戰功進總兵定西侯蔣傅太子太保提督侍郎鮑象
賢廕子入監餘陞賞有差

柘林賊過金山衛總兵官俞大猷游擊白法以田州兵擊之
敗績賊遂犯浙江

虜寇青邊口堡宣府叅將李光啓禦之兵潰見執索贖光啓
奮罵死指揮黃添祥尚真蔡陞千戶郝廉曾壘尚志百戶郭

勛王永皆遇害贈光啓都督僉事添祥真陞都指揮僉事
乙酉南京吏部尚書王崇慶致仕

倭犯鹽城丁亥總督漕運兵部右侍郎鄭曉為吏部左侍郎戊子封翊鉅荆王定耀岷王定煇善化王翊館德世子宇清

鄭城三浦城王胤挺定陶王朝垣華亭王睦株封印王
倭分掠常熟江陰村鎮兵備任環以保靖兵及知縣王鈇指揮孔燾合破之

斬百五十餘級奔江陰
已丑江西進陶器色淺以饒州同知楊錫文通判陳燦下巡

撫訊之

倭掠常熟西境

辛卯川沙窪倭出海官兵燬其巢游擊白汝邀於戚家墩斬
三十七級

癸巳淮揚海防叅政張景賢敗倭於狼山

柘林新倭攻金山衛禦卻之再至俞大猷擊之斬三百人

五甲午朔刑部左侍郎陳儒為右都御史總督漕運巡撫鳳陽

柘林倭四千餘人流掠李塔滙張庄小崑山趨泖湖而北保

靖宣慰使彭蓋臣追之抵蘓州六涇壩突犯嘉興總督張經

以叅將盧鏜往保靖宣慰使彭蓋臣戰石塘灣敗之走王江

涇急擊又大敗之斬十九百八十餘級奔溺甚衆自倭患來

東南戰功為最

乙未西學侯宋良臣卒

丁酉山西提學副使陳渠請自領冀北道試士初大同虜警

失試士遂冀北奏以分巡道攝之至是從渠請

戊戌川沙窪倭賊流劫周浦泗涇北韓山兵備僉事董邦政游擊周藩

追擊死之賊屯石塘橋劫崑山石浦

庚子鳳陽大雨雹壞田舍

辛丑南京兵部右侍郎張鏊改刑部左侍郎

癸卯裁工林苑監蕃育署丞
甲辰徐喬松嗣永康侯徐源子

倭自山東日照流劫東安衛至淮安贛榆又倭突登呂四場

副使李政擊斬四十五級殲之

乙巳新倭千餘人突犯蘓州青村所攻城不克自焚其舟流

劫時新倭大至南沙烏口浪港皆登掠合犯蘓州婁門南京

都督周于德來援而敗鎮撫孫憲臣死之賊分部一自齊門

歷許墅一自胥門木瀆歷橫塘蔓於常熟江陰無錫出入太

湖無禦者

戊申詔江西南安贛州吉安行廣益袁州臨江行淮鹽

已酉逮總督浙直軍務右都御史張經及參將湯克寬以待

即趙文華劾其失機玩寇也初田州東蘭南丹歸順等狼兵

六千人至輕進嗜利文華趣也戰經曰賊狡且衆狼兵勇而

易潰倘失利遠近駭聽俟保靖永順土兵合攻之文華言再

四終不聽文華挾內援願指經、以大臣自重出文華劾經

謂其才足辨也特家閭避賊仇故嘆喏縱賊耳上問嚴嵩

對具如文華言并罪克寬方文華上章時永順保靖兵至即

有石塘灣之捷文華云徵兵四集未有進期蓋經秘家文華

胡宗憲輩桃淺不輕與言耳今戰勝嵩言文華宗憲合謀督
兵探甲致捷經聞乃至殊失實狼土兵服經威名經被逮解
體倭患日熾狼土兵驛騷不堪矣時日旁若教黑日光相盪
旬日識者憂在東南大臣果驗

應天巡撫右僉都御史周琬總督浙直福建軍務

談遷曰張經受服節制半天下顧不戒賊朝食擁兵持重

圖萬全之策誠不欲浪戰付國事於一擲也或言經駐江

南供張備侈食器俱白金非主憂臣辱之念夫人臣圖事

揆策期於至當敗固罪也勝亦罪之耽馬惟中山之篋

是狗安所展其足哉

大同總兵官焦澤移鎮山西山西總兵官韓承慶移鎮大同

柘林倭出海遁

從總督許論請也未幾洋失事被職承慶以舉之下招獄

乙卯初倭攻三山所叅將劉朝恩力守發矢如雨不一中知

其幻投以大首旋射斃其帥賊遁趨陸涇壩蘓松兵備任環

總兵俞大猷等進攻陸涇壩斬賊二百七十餘級焚三十餘

艘賊奔潰

中書舍人吳國倫行人趙鏘謝蒲夏杖並為兵科給事中

丁巳浙江按察使曹邦輔為右僉都御史提督軍務巡撫應

天

倭自蕪還攻常熟知縣東陽王鈇拒卻之移三里橋邑守制
江西左叅政錢洋率民兵同鈇追之上滄港敗沒鈇乙未進
士贈鈇太僕寺少卿洋光祿寺卿各廕錦衣衛百戶賜祠洋
村居倭碎其父柩忿甚治兵鈇家京師不能還留家常熟

黃魯曾曰錢公手刃三賊與縣令同遇害公固死於孝者
也其如縣令夙以厥考鈇星之夢自偉其生適逢卉服之
事乃先探堅無利日耀其勇不知兵家之要匪在技藝故
公終為所悞若守崑山之祝守嘉定之般守太倉之熊但

乘保弗戰而已公如之則何以至於鬻磔耶

嚴訥曰王公之生為正德甲戌四月十四日蓋父母各夢
鈇星墜蒼野中故公命名鈇而號曰蒼野今即公死考之
豈亦歎之前定者與

辛酉倭六百人劫湖州南潯至王江涇總兵俞大猷叅將宋
禮夾擊之賊遁斬二百五級

癸亥開延平建寧鈇治

倭八百餘人自松江趨蕪州叅將周藩把總婁宇迨至唐行
鎮中伏藩赴水死兵民失千計

六甲子朔兩廣總兵太子太保定西侯蔣溥卒

丙寅南京工部尚書楊行中改南京吏部尚書巡撫江西右

副都御史陳洙為南京兵部右侍郎

己巳懷柔伯施燾卒

庚午倭百餘人登上虞爵溪所突犯會稽蒿埠知府劉錫千

戶徐子懿圍之賊潛逸邑御史錢鯨值之煙自西興

涿劫於潛昌化

甲戌薊鎮巡撫仍駐遵化秋出昌平

三文浦倭出海總兵官俞大猷擊斬百三十餘級沉七艘賊

走三板沙

徐階上言將校主戰而守令主守將校北輒用軍興法而守

令亡恙及城潰矣復坐將校死而僅左降守令是文武異刑

而法不一也民進止視守令不視將帥令兵一而民百奈何

以戰守併責將帥將校履肝肺以死文吏待口舌以制難以

責其振矣守令勤則餉儲具守令果則哨探嚴守令警則間

不容守令仁則兵必力臣以為重責守令可也

乙亥裁順德府通判

丙子定勲爵宗支冊籍

徐階言二麥大稔每石直四錢乞乘時收買數十萬石加贖

價出居庸關輸宣府出紫荆關輸大同從之

倭犯江陰蔡涇聞知縣錢鏞分犯唐頭逐之至九里山敗沒鏞字鳴叔

顯陵衛人讀書過目不忘嘉靖庚戌進士壬子知江陰性剛

果敢任時倭亂亟請繕城明年癸丑城成甲寅四月倭至鏞

以兵逆之斜橋三戰卻之倭退屯定山而歲侵多盜誅其魁

而散其黨乙卯柘林倭來鏞拒之石撞矢盡繼以瓦石鏞被

創猶開賊遂遁鏞意其復至此華墅果復至斬九級之殺

傷略相當常熟倭三千人大至攻城城守固賊移營蔡涇距

城九里鏞城上望焚燭閉之乃背城決死戰時狼兵與所募

士僅千人臨敵狼兵先潰鏞自以所從卒關中伏死年三十

一事聞贈光祿寺少卿廕錦衣百戶立祀江上鏞無子弟錄

襲秩初倭至鄉民奔入城萬計兵使王崇古不納鏞獨挺身

任之躍馬出戰

丁丑戶部左侍郎馮坤為南京工部尚書起蔡克廉右僉都

御史巡撫江西

保定總兵官署都督僉事李賢移山西
戊寅浙江倭還侵吳江兵備叅政任環總兵官俞大猷敗之

鶯胆湖平望斬七十九級擒五人
庚辰三板倭出洋任環俞大猷擊之馬蹟山斬九十三級擒
五十七人是日有涿倭舟壞有五十七人匿嘉定民家焚而
盡之

壬午總督浙直福建右僉都御史周琬巡撫浙江右僉都御
史李天寵削籍趙文華劾之上又聞琬疾甚天寵嗜酒廢
事故斥

南京戶部右侍郎楊宜改兵部右侍郎兼右僉都御史總督
浙直福建軍務巡按浙江御史胡宗憲為右僉都御史巡撫

浙江

虜黃台吉駐獨石塞外遣諜四人偵滴水崖縛斬之

山西礦盜宋愛等涿劫定州阜平曲陽行唐官軍捕誅之

癸未督察侍郎趙文華上蘇松失事罪狀下按臣覈實

諭戶部收糴山東河南濟宣大饑

蔡涇倭至夏港副使王崇古擊之走靖江斬四十餘級匿民
家殲之

戊子戶部右侍郎倪嵩為左侍郎巡撫河南甘肅右副都御
史鄒守愚王諾為戶部右侍郎巡撫甘肅誥總督南京糧儲

庚寅宮人高氏薨追號和妃
虜寇大同鎮山墩叅將馬芳游擊劉環戰失利會援兵至圍

解

辛卯倭三百餘自南潯突至松江之葉謝總兵湯克寬都司
同知文奎守備解明道戰浦中倭死三十餘人東岸倭渡水
來戰俱溺於浦

七月癸巳朔起張烜右僉都御史巡撫河南大理寺右少卿魏謙
吉為右僉都御史巡撫甘肅
四川宜賓叛夷阿康等伏誅

乙未通州副總兵改叅將

巡撫李鳳毛言俺荅匪茹其謀皆出邱富周原乞令朔州兵
備副使楊順計獲詔給順萬金無問出入

戊戌改湖廣按察副使孫宏軾起山東按察副使劉燾並補
浙江勦倭

翰林侍讀嚴訥滿晟主試應天

庚子馬邑諸生張蕙自虜回言俺荅永邵二部兵可二萬六
千騎待邱富甚備親為掃除而富為虜謀墾田積粟造舟渡
河於是再下賞格購擒斬俺荅諸酋來獻者賜萬金爵伯擒斬邱

富周原者三百金授三品武階有言於兵部曰虜可購也兩
人不可購之急則虜益重兩人是託兩人於虜也莫若購
兩人以致虜購兩人以致虜則亦購虜以致兩人也邱富說
俺荅大收智略之士榜招貢士諸生厚遇之而邊民黠知書
者詭貢士諸生往俺荅令富試之能者使統衆騎否則給佃
而舍人張邦奇素畜倭刀讖緯書被掠自言有秘書寶劍在
威遠堡虜急攻堡不下俺荅厚邦奇亞於富又大同人孫廷
美亦被掠若之謀刺富與其黨王浩議浩欲說富不我聽圖
之因密語以順逆富問儒生計安在何如安國勸如浩言張
邦奇曰勿聽若無重世之德於中國而有累世之怨今購若
甚急若入邊不能為己德而為他人功也禍無日矣富怒令
邦奇與浩相質邦奇罵浩曰汝欲餌邱公而釣中國乎富殺
廷美與浩

乙巳蕭山蒿埠倭西逃至淳安計六十七人官兵急擊之自
濠嶺盤山入歙之黃柏源吏卒俱滑過涇縣知縣年時庸戰
敗趨南陵縣丞莫逞又戰敗入遂縣城於是建陽衛指揮繆印當
塗縣丞郭映郊蕪湖縣丞陳一道太平府知事郭樟各承檄以兵來
援值南陵東門射之賊悉手接其矢諸軍駭潰一道獨力戰

死之

戊申核太倉中庫積貯

裁金山備倭都司設叅將蘇松一常鎮一

己酉播州亂寇平

壬子增應天兵備副使駐向容溧陽廣德

癸丑南涇許浦白茆港諸倭皆出海總兵俞大猷屢敗之茶

山馬蹟山斬六十七級擒四十三人江陰蔡港倭出洋而敗

又大風沉二十餘艘仍登掠而倭巢周浦松江知府方廉使

謀毒其井賊死千人

丙辰南陵倭至蕪湖義兵擊之斬十級擒二人趙太平操江

右副都御史史褒善禦之敗績東犯江寧鎮指揮朱襄蔣陞

禦之襄戰死城死亡三百餘人賊趨應天大安德門其酋擁蓋

策馬沿外窺我會獲其奸謀趨秣陵關

丁巳逮前浙江巡撫右僉都御史李天寵

蘇松兵備叅政任環廕一子衛副千戶太倉知州熊桴添注

蘇州同知

張經湯克寬逮在下獄論死

壬戌蘆溝橋成

八朔亥朔應天推官羅節卿指揮徐承宗以千人守秣陵閔自
潰倭至溧水楊林橋典史林文景兵不能禦入城飲民家信
宿去之

甲子整飭蘇松兵備叅政任環聞喪詔奪情勅倭

乙丑賜徽王載堦清徽忠教真人金印

己巳右春坊右諭德王維禎翰林侍讀袁燁主試順天

辛未柘林倭出海叅將盧鏜等追殺六十八人時賊大疫總

督楊宜浙江提督胡宗憲分道設伏賊迫而遁遭颶風溺官

兵逐之復回柘林尚百九十八艘欲往川沙嘉定縣丞張潮

及上海兵殲之柘林倭焚舟示無去意僅存十二艘於沙外

於是追及金山海洋盡犁其舟脫者定海兵過之

甲戌溧水倭復趨徽州還至東壩由溧水而東為老人所紿

引至太湖之木瀆鎮至許墅巡撫曹邦輔與副使王崇古會

事董邦政等恐其合柘林之寇乃分地崇古等為正兵知府

林懋舉知縣唐世耀屯吳林廟為援又分奇兵左右哨度賊

走太湖募水師賊至吳林廟斬二十七人餘走陽山

張萬曰倭變起而鯁、講海防矣說者謂防於海安防於
陸危而防海有二出海會哨毋使港是為禦海洋沿塘拒

守母使登陸是為禦海岸兩者防漸近禍漸偏矣徵人不
戒而令賊蹈瑕以登陣於原勢且蹙於城謀而守何暇倚
而角我輟其藩故坐自困也吳淞扼蘇松之喉吳淞而南
為川沙又南為南匯自南匯而西為青村又西為柘林又
西為金山相去各六十里耳聲援通而首尾應而金山聯
乍浦通於浙何大掣先生有言曰今日之海防但能復
祖宗之舊制即一言而功過半矣竊怪高皇帝時未嘗
倭夷犯界也而何其備周且密若是豈非聖人至誠前知
百世亡弊者耶

丙子前吏部主事溧陽史際翰餉五千石加尚寶司卿

丁丑大同總兵韓承慶會縱健奴劉忠韓喜佐其虐怨卒五

百人欲逃虜中軍官劉卿諭還詔逮承慶下法司

已丑免西安延安平安涼鳳翔慶陽旱災田租

壬辰大同獲奸謀二十三人誅之

提督漕運總兵官萬表疾去

許墅倭走陽山迤至靈巖奪舟見湖濱水師未渡匿橫涇田
中武生張大綱捫其所殺人肉未寒曰賊必伏令衆大呼賊
驚出悉擒之大綱手刃數人被創死倭初六十七人自紹興

歷浙直轉戰千里至是盡殲

九甲午提督昌平都督僉事趙卿總兵官鎮守大同

乙未南京右僉都御史王學益疾去

南京右府僉書署都督僉事方恩為總兵官提督漕運鎮淮

安

督察侍郎趙文華大集浙直兵攻倭陶宅港華亭敗績指揮

邵昇姚泓千戶劉勳死之文華耻不與斬豎之捷欲殲陶宅

倭見功竟喪卒千餘人

丙申襄府棗陽王祐梃薨

戊戌選民女百六十人

前撫治鄖陽右副都御史于湛卒

留蘓松常鎮御史周如斗再歲

甲辰懷柔伯施燾卒方使岷府詔伏羗伯毛桓代

南京兵部尚書張時徹右侍郎陳洙各勅免

乙巳刑部左侍郎張鏊為南京兵部尚書南京刑部右侍郎

張集改南京兵部右侍郎

總督侍郎楊宜徵順天保定射士千人

丙午虜大舉分犯宣大山山西初總督許論以鎮兵寡弱檄召延綏游擊將軍都指揮張紘因率三千人擊之猝遇于張家堡南虜衆來衝紘令我軍開壁縱千餘騎入乃合壁殺之虜怒合圍我紘又令士卒毋取首第殊死力戰由是虜死甚衆紘亦力盡死士卒殲焉宣府志曰是役也將士全損人不以為敗績虜死傷者衆也自後被掠人回言虜人追談是役猶嚙指為懼則紘之死不為無益矣紘陝西人素許忠勇是舉其真無負哉贈紘都督同知謚忠壯大同西路叅將丁碧

以數百人戰馮家窰死之贈都督同知謚節愍總兵歐陽安遮擊於朔州遁去

戊申倭二百餘人據舟山之謝浦又倭數百登海門劫仙居

黃巖官軍追之走奉化及鄞江橋出四明山據紹興龕山胡

宗憲率盧鏜處州兵擊斬之

庚戌免濟南東昌青兗旱灾田租

壬子先是魏國公徐鵬舉被劾罷守備撫寧侯朱岳代之輒据班首鵬舉疏爭之仍鵬舉領班

甲寅戶部左侍郎倪嵩為南京右都御史

蔡雲程為戶部左侍郎
鄭大同為刑部右侍郎

初御史金淵劾南京廣東試監察御史文希儒會縱敗紀希
儒亦許淵下吏部尚書李默擬淵免官不許淵乃叅默曲庇
及南尚書陶尚德等黨比上以互糾有舊制切責兩吏部
令省改希儒免官

南京前府誠意伯劉世延提督操江右僉都御史史褒善女備副

使劉燾各攻陶宅倭迎敵皆潰燾與私卒以射免

丁巳宮人耿氏薨追封平妃

戊午虜復入宣府龍門犯懷來

己未復惠州捕盜通判

辛酉虜自保安出東嶺叅將馬芳以千餘人夜搗其營虜大

驚斷為二西奔出張家口

十月戌朔皇長孫翊鉞生裕王出告奉先玄極賢殿止勿

賀不頒詔

癸亥衡府壽張王載堦薨

陶宅倭走周浦官兵圍之柘林倭出海復還據川沙窪

乙丑署詹事府事吏部左侍郎閔如霖賀表忤旨降俸三級

罷撰玄翰林侍講袁煒代之

丙寅下昌平知州衛鈿獄太常寺丞王守一祀長陵不具鼓

導見劾

己巳庶吉士李貴呂旻萬浩胡汝嘉王希烈趙祖鵬張四維
維鈺為編修陸泰吳可行馮自強為檢討王文炳孫應鰲馮
葉梁夢龍徐師魯鄒敬賢方萬有為給事中張選言蔣燾張
九功王詠為試監察御史

庚午琉球入貢求貢使市民舟還國

辛未總督河道工部右侍郎兼右僉都御史曾鈞為南京刑

部右侍郎南京大理寺卿張舜臣為大理寺卿

乙亥宋天馴嗣西寧侯良臣子

癸未涼州副總兵署都指揮僉事何淮為署都督總兵官鎮

守山西

丙戌逮紹興知府劉錫元直趙文華劾其縱嵩埠之寇竟

戌邊

常熟天雨如赤豈

丁亥通政司左叅議劉體乾為右通政

庚寅殺總督浙直兩廣福建右都御史張經巡撫浙江右僉

都御史李天寵兵部員外郎楊繼盛上無意殺繼盛附諸

邊臣論上遂不免經嘗有功天寵亦亡罪趙文華胡宗憲構

陷之天下益惡嚴氏制勅房辦事工部右侍郎談相并死西
市

林煙曰昔林文恪先生言嚴趙用事時苟非其黨也其或以脩或不脩擠之者可勝道哉張司馬負其才汲、然自躍大治必為鏌鋸亡身之日雖有智勇將焉所效嗚呼哲哉先生之言也自古權臣在內大將未有能成功於外者張司馬受大廷之薦急於建功固與全軀保妻子之臣談不同日矣然皮之不存毛將安傅惜其不講於遠害之術也余過樵李問司馬陳兵故壘尚為之感愴不能去云

汪道昆曰

肅皇操下凜

先後言者率皆骨鯁之臣要

莫如忠愍當忠愍抗跡豈不當工心毋亦視將相如股肱藉以奉社稷故寧失藥石不毋寧失股肱彼一時也一庸人上變而鸞族諫者後至而籍嵩家則忠愍先入之日更而明雷伏而震其所繇者漸也夫憂在社稷而以身當之身死而社稷無憂得死所矣殺其身而用其言死且不朽報恩地下豈虛語哉

徐階曰嗚呼士方平居語及節義往、扼腕張眉目自謂能之一旦臨忠害僅如毛髮輒心悸色變不敢出一詞或

走匿以規苟免有能自奮如其言者寡矣未有蹈必死而不懼者也偶出不意蹈一死及既脫卒深自懲創毀方以為員又或自滿足不復肯為危言正色者有矣未有慷慨激烈赴再死而不顧者也公始忤仇鸞偶不死奔走絕塞間稍微用去訊繫時無幾痛苦之狀宜猶在心目張安人所以語公與古牛衣之說亦何以異而公不懼不惑卒直諫以隕其生此其視唐子方諸人且猶過之矧世碌者耶

談遷曰楊忠愍之死謂附張經李天寵等案未得棄市將

上漫不省覽耶非也裁決萬幾日不留牘况論囚重奏要有不竟閱者其死忠愍或訶及二王非上所安也忠愍死懃張襄愍等死枝並由嚴氏權臣不幸乃為文華宗憲輩被此惡聲於萬世哉

吳瑞登曰張經何嘗玩寇殃民李天寵亦何嘗失律喪師當刑者百人而所決九人三良與焉豈非天下人心之所共憤乎

張鷟曰故老傳張尚書督兵海上不肯出一兵擊賊時方太守廉製米糕分給官兵呈樣督府文武官列帳下尚書

別無指縱第云好糕好糕而已此其文致太過予考福州志載少司空新城方公嘗言吾守松江張總制所不禮也然其用兵御將帥備要害實所長云王江涇之捷或以為胡宗憲然星馳入蘓州分遣諸將卒用所謂永保諸狼土兵犄角而蹙之斬首幾及二千伊誰力也果若趙文華微倖一搗巢以新集之兵嘗試東南事堪再悞哉文華貪黷固不足論或云胡少保時為御史附文華而傾李天寵蹊田奪牛即他日殲徐海擒王直功固不可泯滅而竟以糜軍興金錢論死詔獄夫報復各有數也

薛應旂曰楊忠愍事比之借劔裂麻者蓋尤懇切焉先楊爵論事下獄時浦鉉周天佐輩猶相繼工跡救之至公下獄及赴市曹不惟無一人繼之而附和相嵩者嵩之積威比黨噫其甚矣

前南京兵部尚書潘瓚字子璜婺源人正德辛巳進士
擢戶部主事改禮吏部歷前官有文學行誼脩飭士
論重之

辛卯倭二百人登樂清沃劫瑞安平陽守備都指揮劉隆戰死掠黃巖仙居至楓樹嶺慈谿領兵王簿畢清義士杜文明

見殺歷餘姚上虞渡曹娥江犯會稽

胡宗憲遣游擊將軍曹克新副使任環搗川沙倭巢敗之餘黨走清水窪

十月壬辰朔日食提督操江右僉都御史復善為南京大理

寺卿給事中楊巍言其脫倭寇得美遷遂還原任

癸巳翰林編脩陳棟^世為侍讀

均京城甲役舖戶

乙未倭二百人犯莆田鎮海鎮東等衛千戶戴洪高懷德張

鑾並戰死

倭犯興化平海衛正千戶邱珍副千戶楊一茂戰死已犯福

清泉州衛指揮童乾直擣其壘斬十餘賊而死

閏十一月癸亥按察僉事焦希程以川兵趨周浦賊光懼而攻之

賊走川沙窪游擊曹克新邀斬百三十餘人四川山東兵連

擊之賊出海副總兵俞大猷兵備副使王崇古追斬百七十

餘級擒四十七人餘賊奔上海浦東

癸酉川兵游擊曹克新追倭嘉定之高橋斬三十八級俄酉

陽兵先潰諸軍遂敗越二日再戰斬七十餘級酉陽兵又自

潰賊乘之我大敗千戶李燦百戶郭彥昇死之官軍奪氣時

客兵恣睢督撫不能馭每戰自為進退西陽兵既敗即大譟
奔舟徑歸蘇州

丙子戶部右侍郎鄒守愚為左侍郎巡撫保定右副都御史

艾希淳為戶部右侍郎

丁丑免順天保定河間大名水災田租

靈邱王聰滿薨

己卯山東道監察御史曾佩刷南京案牘報命有奏啟上

詰啓何為云故事工以東宮已薨下鎮撫司廷杖戍邊

壬午山西右布政使吳嶽為右僉都御史巡撫保定

倭自會稽東閩走龕山典史吳成器等殲之斬百二十餘級

又象山倭過四明山攻上虞蕭山壁於錢清巡撫胡宗憲督

兵副備使許東望等統麻陽土兵擊斬五百餘級盡擒之餘

孽自諸暨出東陽臨海至太平蒲岐巡檢司得舟而遁

庚寅宮人吳氏薨追封定妃

十月癸巳立南京振武營

甲午賑西安饑

遣官四川山東採礦

乙未勅旌慶成王表粟賢行年八十

戊戌巡撫宣府都御史劉廷臣疾免巡撫大同都御史齊宗道調外

己亥叙禦倭功罪逮應天巡撫右僉都御史曹邦輔以趙文華忌之并及僉事董邦政把總婁宇盡沒許暨之功

張鵬曰當時論東南討賊功為第一捷書奏不及楊宜而趙文華又恚已不與遂嗾宜論公并婁叅將董僉事廷議

弗是也後以夾勦陶宅兵潰劾公不協力明年竟誣奏逮戌一時嗟歎所謂功罪顛置憂寧獨在倭哉

辛丑河南按察使張渙山西布政司右叅議楊順並為右僉都御史渙巡撫宣府順巡撫大同

壬寅山西陝西河南地大震聲如雷雞犬鳴吠渭南朝邑三原華蒲尤甚或地裂泉魚或城屋平陷渭南殆百里或涌山阜

或連震累日河渭溢華山終南山鳴河清發日報斃官吏軍民有名者十三萬餘人致

仕南京兵部尚書朝邑韓邦奇南京光祿寺卿三原馮理南京國子祭酒華州王維楨渭南部郎中薛祖學部員外

郎賀承光部主事王尚禮進士白大用華陰御史楊九澤蒲州叅議白璧同日死其隱沒亡筭雖地震古有之而是變史所未見也韓邦奇字汝節正德戊辰進士授吏部考功主

自天地理太乙兵陣之書
靡不精究所著有易說
書說毛詩未喻禮記斷章

事轉員外郎調文選言事謫平陽通判甲戌遷浙江按察僉
事忤鎮閣誣逮削籍嘉靖初起山東叅議予告甲申起山西
左叅議分守大同時兵變單車入城諭悍卒迎巡撫蔡天祐
於代州人心始安又予告戊子起四川提學副使尋改右庶
子兼修撰以主試京闈忤時左遷南太僕寺丞己丑乞歸起
山東副使大理左少卿以左僉都御史巡撫宣府乙未佐院
又移山西致仕甲辰起總理河道進禮部右侍郎改吏部丁
未進南右都御史改南兵部致仕邃學堅定明於律數年七
十七贈太子保謚恭簡馬理字伯循正德甲戌進士授吏部

稽勲主事調文選請告戊寅補考功庚辰還子舍嘉靖甲申
起稽勲員外郎歷郎中南京右通政謝去辛卯起光祿致仕
好古儀禮學本程朱年八十三隆慶初贈左副都御史予祭
葬天啓初追謚忠憲

乙巳戶科左給事中楊允繩下鎮撫司論死浙江道監察御
史張巽言謫武陟縣丞光祿寺丞胡膏調重慶通判允繩巽
言同巡視光祿膏恃姻冢李本故恣肆允繩怒劾其濶收子
鵝侵帑宜罪膏跡辨玄典隆重憎臣精擇謂諸物齋事充具
耳擇為其欺誇玄脩如此上怒以錦衣衛不逮巽言奪右

都督朱希孝等俸三月允繩性剛厲嘗坐省中太僕卿徐陟
直入請事叱曰祖制無故至科者則趾奈何以相公弟壞
法又奏大臣受謁遺大學士階曰閣臣受幣科臣獨否曰彼
獸心者則然允繩寧有此階色動
丁未紫皇殿成
已酉酉陽兵赴浙直道劫九江鎮撫典禮阻之被殺

甲寅台州倭走嵎縣容美兵復敗之

戊午前總督陝西太子少保兵部尚書兼右都御史楊守禮

卒守禮字

山西蒲州人

安州人正德辛未進士授戶部主事歷撫四

川寧夏燕朗有大度才具敏達當官著聲績晚娛詩酒於世
態不屑也

俺荅大舉犯大同總兵馬芳卻之

涇州大饑

丙辰嘉靖三十五年

正朔酉朔上不朝

寧夏地震有聲

倭自福寧向溫州同知福安黃釗戰于水北洲中伏軍潰同
官欲遁釗怒曰吾黨寧効卒伍耶竟死之贈右叅議廕子立

祠

壬戌許黔國公沐朝弼節制土漢軍諸司奏謁如先朝故事
朝弼自都督嘗被劾見輕至是援自請也

癸亥福建倭入浙江合錢塘倭前留守王倫容美土司田九
霄等扼之曹娥江不克渡走三江民舍連斬二百級追滅之

黃家山

甲戌宮人李氏薨追封順妃

吏部大計降斥有差

遼東屬夷寇永寧

乙亥兵部尚書楊博憂去命總督宣大太子太保兵部尚書
許論回部

虜寇莊浪

戊寅趙府廣安王厚燾薨謚溫懿

起江東兵部右侍郎兼右僉都御史總督宣大山西軍務
庚辰夜彗見進賢星旁芒長尺指西南漸三尺餘歷掃太微
垣次相星東北入紫微垣掃天床星至四月庚寅滅

辛巳巡撫湖廣都御史汪大受察免

壬午陳東巢新塲殺叅將尚允紹於呂四塲喪四百餘人

己丑移陝西河西道叅議駐環縣提督鹽法
總督浙直侍郎楊宜乞調邊兵河南兵勦倭部覆選練鄉兵
止調河南
新塲倭趨紹興巡撫胡宗憲馳救值之江橋夾河而軍宗憲
望見曰是賊弱吾且試之馬上揮幟賊聚視宗憲笑曰易與
耳渡河襲之賊走後梅民家火攻之幾盡

二月寅朔戶部左侍郎鄒守愚往祭山西河南山川仍賑卹災
民
癸巳南京右春坊右諭德沈坤為南京國子祭酒

壬寅南京戶部尚書孫應奎致仕

南京戶部右侍郎王誥為兵部左侍郎兼右僉都御史總督
浙直福建軍務

乙巳命調九江安慶兵防京口圍山等處設把總指揮領之
丁未總督倉塲督理西苑農事戶部左侍郎盧紳為南京戶
部尚書順天府丞高耀為南京戶部右侍郎總督南京糧儲
巳酉 嬪王氏卒追封懷嬪

壬子寧夏地震

戊午下吏部尚書李默獄初上憂南寇趙文華對殘寇行

且滅不足慮而寇如故。上屢問嚴嵩由為解文華內懼本
兵楊博屢去文華幾得之默所推絕不及其見默欲有陳默
嚴之快、而退默堂部試策選人有漢武征伐四夷而海內虛耗唐
憲功成淮蔡而晚業不終句文華摘其語為謗訕又推總督舍
胡宗憲而用王誥蓋欲敗東南事為其鄉人張經報仇。上
大怒下鎮撫司掠治刑部尚書何鰲擬子罵父律論死默性
卞急不能容人過接士大夫少愉色援引才俊不使人知之
得大臣体既得罪禮部尚書咸寧王用眉心寃之禮部都察
院叅上詞稍寬假。上不憚移法司對簿重論用宥由是失

上意

徐學謨曰咸寧公為人忠信恬雅身不勝衣至當建安利
害之際不忍逢君負友人稱其有仁者之勇或云建安之
禍始於其鄉人陳全之蓋文華所取士也以劣遷出遇文
華於潞河先以策自將假手報復而分宜父子欲甘心於
建安久矣乃嗾文華文致大獄一時朝論闕然自是代建
安為吏書者第黜、擁虛位而分宜之門鬻爵如市矣祠
郎中陳全之
遷荊州知府
談遷曰萑菲之口不顧是非邪正逞智私鍛攻楊允繩曰

謗訕玄脩攻李默曰謗訕報復自告許之端開而臣子之
一言一動莫非罪府特未經指摘暫自寬耳當世廟時
宦途不險甚乎哉

罷王誥進胡宗憲兵部左侍郎兼左僉都御史總督浙直福
建軍務湖廣按察使張景賢為右僉都御史巡撫應天
徐海復巢柘林陳東自新場合之

己未大學士李本署吏部

三月戊戌故陣亡叅將尚允紹贈都督僉事廕千戶

癸亥署吏部事大學士李本請考察兩京大臣許之品第大

臣列三等曰袁庸當罷南京吏部尚書楊行中禮部尚書葛

守禮刑部尚書陶尚德戶部右侍郎艾希淳刑部右侍郎鄭

大同工部左侍郎郭望南京右通政何雲鴈南京鴻臚寺卿

王楠太僕少卿張壺秉南京太僕少卿陳邦脩光祿寺丞邱秉

文巡撫右副都御史張烜郝維嶽汪尚寧右僉都御史張鷟

翼得旨俱罷希淳雲鴈調外許致仕李本蓋徇嚴民意也列

工部尚書吳鵬右侍郎嚴世蕃等第一

甲子應城伯孫承爵卒

前陝西總兵都督同知魯經卒經驍勇敢戰久鎮西陲以功

石終時稱良將

乙丑廣西布政司右叅政阮鶚為右僉都御史提督軍務巡

撫浙江

築懷來南山隘口設空道守備

丙寅李本考察科道罷三十一人都給事中烏從善馬汝松

左給事中黃元白右給事中黃謙張萬紀郭鑰南京都給事

中朱文漢御史李應時劉應熊龐俊陳九成詹理蔡朴尹庭

鄭鑰馮薦張雲路郭文周左給事中李幼滋給事中孫濬吳

國倫夏棫南京給事中高鶴御史李正彞高壩黃正色何廷

鈺陰秉陽陳觀衡曹光南京御史徐棫邊毅並坐浮躁都給

事中王鳴臣給事中謝蒲御史林應箕朱木段錦張守蒙並

坐不及俱降調餘御史留用各杖四十是役也歲氏之異已

俱盡公論不平

丁卯誅虜諜二十二人叛人王青等專通虜偵我山西三關

邏卒縛之

庚午費坤嗣崇信伯費煒子

南京戶部右侍郎高耀為戶部右侍郎總督倉場督理西苑

農事

辛未工部尚書吳鵬改吏部尚書自是選人惟嚴氏指政以
賄成益不可問

支大綸曰鵬生平醇篤清謹斤、自守歷官有賢聲為大
司空家無厚貲及嵩以李默係獄而令鵬代之進畏重禍

退戀美官遂大喪生平凡內外要職皆奉嵩指授及徐階
李本陸炳與內璫用事者取次賄鬻鵬奉札記遷授廉敢

牴牾間有所公皆散秩下地耳而竟以穢聲終斯時也剛
則為默柔則為鵬士君子將安所樹立乎

留兩淮餘鹽銀之半備海防軍興
甲戌策貢士金達等三百人賜諸大綬等進士及第出身有

差
陞兵部左侍郎翁溥為南京刑部尚書

乙亥兵部右侍郎兼右僉都御史吳嘉會為戶部右侍郎陞

浙江左布政使潘恩為右副都御史巡撫南贛汀漳山西左

布政使石永為右僉都御史巡撫江西布政司參政胡霖為太僕寺少卿

丙子命俞大猷總兵官鎮守浙直盧鏜副總兵協守復董

邦政原職蘓松海防僉事錄教授韓宗福通判羅拱辰等

戊寅恩榮宴命錦衣衛左都督陸炳坐文臣二品末

庚辰進李本少保兼武英殿大學士酬考察之役

翰林編修元思謙為河南提學副使

辛巳禮部覆宣諭日本寢之先是巡撫胡宗憲募鄞縣諸生
蔣洲陳可願充市舶司官往招日本可願至五島值毛烈及
夷商松柴門善妙等七百餘人言國亂王與相皆死諸島不
相攝須徧諭之乘舟進馬墓港自言直抵倭遍諭豐前馬肥
前平飛蘭諸島悉已禁掠然其詞無稽不足憑也

壬午吏部左侍郎鄭曉為南京吏部尚書山西按察使馬九
德為右僉都御史整飭薊州邊備兼巡撫順天

癸未工部右侍郎趙文華為工部尚書進太子太保賞其告
訐也發不臣之功

甲申雲南貴州左布政使高珣陳錠並為右副都御史兼替
理軍務錠巡撫雲南珣巡撫貴州

丙戌翰林編脩吳情為侍講

倭大至乍浦涿劫松江嘉興據蔡廟堡

叅政任環叅將喬基等擊賊蔡廟堡七遇皆敗之而新倭自
南匯登犯任環及叅將婁宇把總王應祥遍敗之董邦政又
敗之賊入吳淞江俞大猷設伏海口斬三百五十級沉十三

艘

四 己丑朔南京吏部尚書鄭曉為右都御史兼兵部右侍郎協
理戎政禮部尚書王用賓為南京吏部尚書禮部左侍郎吳
山改吏部左侍郎起孫陞禮部左侍郎協理京營戎政兵部
右侍郎謝九儀工部右侍郎雷禮並為左侍郎撫治鄖陽右
副都御史劉伯躍為工部右侍郎
聽謂戶部右侍郎史希淳致仕
辛卯戶部浙江司郎中金九齡下獄削籍前廷試時入禁門

見執故也

壬辰甘肅地震有聲

城潼關衛地震城圯

甲午吏部左侍郎吳山為禮部尚書兼翰林學士右侍郎郭
朴為左侍郎禮部左侍郎孫陞為吏部右侍郎右侍郎茅瓚
為左侍郎翰林侍講學士袁煒為禮部右侍郎

河南按察使李憲卿為右僉都御史巡撫湖廣兼替理軍務
陳可願還國言王直毛烈及薩摩洲倭乞通貢互市得殺賊
自效遂留蔣洲傳諭諸島胡宗憲以聞禮部覆令宗憲等檄
王直等俾勦舟山賊果爾許之
丁酉禱雨而應表賀

逮四川游擊將軍曹克新下法司川兵敗後逃盡故也

戊戌南京工部右侍郎孫世祐改刑部右侍郎山西東左布政使孫應奎為右副都御史總理河道

山西總兵官何淮有罪免寧夏副總兵孫朝為署都督僉事總兵官鎮守山西

己亥倭二十餘艘登觀海衛浙江攻陷慈谿殺邑人副使王鏐知府錢渙等知縣柳東伯遁

辛丑甘肅天鼓鳴

新倭三千餘人犯鎮江瓜洲儀真焚漕粟三萬四千餘石攻

揚州殺同知朱哀都指揮張恒千戶羅天爵曾沂蓋賈善射

者卻之而徐海陳東各擁萬人佯攻乍浦時川湖諸兵俱罷

獨容美河朔兵五千人在巡撫阮鶚夜半趨乍浦胡宗憲屯

塘棲相犄角

癸卯呂人王氏卒追封御嬪

倭攻江陰幾殆王簿曲阜曹廷慧以火攻卻之

甲辰江北倭深劫圍山無為州同知隆德齊恩迎戰斬百餘

賊恩子長子校使寶實榮極慎寅友良大御孫重弟俱從軍次子嵩年十八驍勇善戰獨前進追至安

港伏發恩等二十一人力戰死之獨慎寅三人嵩得脫恩祖敏浦江主簿

死寇難恩廕入太學授鴻臚寺鳴贊進宰河曲遷今官賊乘

勝至金山殺鎮江千戶沈宗玉王世忠子江中千戶戚繼爵等戍狼山

過倭死之揚州衛千戶洪岱文昌齡率師至通州改設

丙午大風霾

倭復入慈谿

時兩浙俱被倭而浙東焚掠慈谿獨慘餘姚次之浙西柘林乍浦烏鎮皂林間皆為賊巢前後至者萬餘賊

戎申封載塔高河王翊錡安陽王翊鈞萬善王朝壤瑞淦王

勤於海陽王宙杭新野王翊果淳化王時修撰陳謹給事中

徐應郭立彥奉使臨遣後至下鎮撫司改編修呂昺給事中

馮日新紀公巡謫謹惠州推官應立彥福建浙江按察司知

事

庚戌倭犯直隸西庵沈莊清水窪總兵官俞大猷蕪松海防

僉事董邦政擊斬三百五十餘級賊遁陶山

辛亥賊罷乍浦趨杭州阮鶚以河朔兵及於阜林賊鼓噪而

前銳甚阜急入保桐鄉佐擊將軍宗禮義官霍曾道率九百

人於崇德三里橋張左右翼三戰俱捷斬三百餘級會絕嚮

道不得善地頗饑疲詰旦賊輕其孤壘縱擊我我戰益力會

火藥絕橋陷軍潰禮與曾道及鎮撫侯槐何衡俱死之賊乘勝

圍桐鄉不克鶚蠟書請師五宗憲不報自此相隙禮大興人

驍勇敢戰所部皆壯士用寡敵衆雖陷敢稱血戰第一徐海

兵興以來

賊首徐海等皆辟易稱為神兵

等氣奪贈禮都督同知謚忠壯廕指揮僉事貫道贈光祿寺

未幾遂就撫

丞

丁巳翰林侍讀嚴訥脩撰李春芳並為翰林學士右春坊右
中允董份直西內撰玄自是詞臣多舍本職往求供奉希
進用矣

戶部右侍郎莆田鄒守愚賑陝西還至河南道卒贈右都御

史謚襄惠

胡宗憲得詔移諭日本知盜權在王直徐海可以賂遣設利
降也因使使潛諷直直遣養子毛烈款定海關謝直歛人少

落魄任俠亡入海頗尚信有盜道夷王亦受服之直嘗要我

防海將討五島戎將覬粟百石直大詬投之海宗憲以鄉人

輦其母為書招之宗憲計直與徐海唇齒也因遣謀說海曰

直已款關朝廷赦之矣汝獨無意乎且新總督推心置人腹

不乘此時解甲謝過更復何待海遣使宗憲厚遺之如直直

使歸以報海明日復來待如初凡數復而海意始堅薩摩王

弟書記陳東心疑海有它端海遣酋私語桐鄉守兵曰吾已

款督府矣城東門陳黨也其善備之是夕海道崇德而西陳

東攻桐鄉益銳盛為樓櫓撞竿知縣金燕力禦之撞竿幾壞

城一男子為綿索竿至挽而上鋸之又煮鉄汁灌城下不敢
逼圍解宗憲說海縛其書記葉麻明又詐為葉麻明書與陳
東令舉兵殺海而悞致之海所海讀之涕下謀縛東自效而
阮鶚自圍冲急與宗憲相猜異論始起

五朔午朔總兵歐陽安副總兵張琮劾免

叙王江涇功保靖宣慰使彭蓋臣永順宣慰使官舍彭翼南
俱進昭毅將軍餘有差

倭五十餘艘自吳淞所犯上海圍之署縣通判劉本學力拒
十七日不克賊夜梯西南堞且登役者楊鈿乘女牆大呼賊

擊之鈿墜城外壓梯上賊亦墜官軍群擊賊退涉濠適潮至
溺六十七人皆刀甲真倭也賊即南去閩行

倭犯瓜州鹽役百人擊走之倭夜犯揚州同知朱哀高郵衛
經歷晏銳率千戶賈勇子恩出戰敗死贈哀左叅議廕子入

太學

壬戌夜木星逆行犯房宿北第一星

兵部右侍郎沈良才兼右僉都御史提督浙江軍務禦倭郎
中郭仁員外郎王遴從軍贊畫

癸亥南京工部右侍郎孫世祐卒

乙丑太子太保工部尚書趙文華兼右副都御史提督浙直
軍務時沈良才命下上復諭嚴嵩令文華以南事對嵩知
詞窮且見譴令文華自以意請視師嵩復言良才不任江南
引領倭文華久矣上乃改文華文華薦副留守朱仁守備
朱廕戶部郎中陳惟舉工部郎中陳茂禮雷州知府盧孝達
漳州通判黃元恭俱從軍

丙寅免蒲解臨晉安邑夏芮城猗氏平陸滎河去年田租以地震
丁卯周府汾西王勤燭薨謚康僖

壬午金星晝見

癸未兵部左侍郎謝九儀改戶部左侍郎

前巡撫雲南右副都御史周采卒采字子亮寧鄉人嘉靖壬辰

進士授中書舍人拜吏科歷禮科都給事中出為陝西右叅
政福建按察使四川左右布政積外十二年始撫滇旬日艱

去年五十

丙戌蘓松海防僉事董邦政降蘓州同知

丁亥遣制勅房辦事左通政王槐錦衣千戶全天爵同內使
採礦玉旺峪

忻城伯趙武卒

故神木堡傳參將楊璘贈都督同知廕正千戶立祠

始命兩廣河南湖廣歲進葛八百匹

六胡子朔操江右僉都御史史褒善以避賊免官

翰林院侍講邢一鳳為南京太常少卿

山東左叅議張祉為右僉都御史整飭薊州邊備兼巡撫順

天右副都御史王崇古回部

庚寅唐府蕩陰王彌鐸薨諡端肅

作帝真殿

壬辰倭寇潮州

甲午山西左布政使閔煦為右副都御史提督雁門等關兼

巡撫山西江西布政司右叅政高節為右僉都御史提督操

江

上海倭還浦出海犯浙東薄仙居知縣姚本崇戒戍卒如賊

不犯城去之鳴鐘三賊且去聞鐘聲疑兵出遂攻城陷之屯

四十餘日知府譚綸率兵逐之

桐鄉倭由干墩東出朱涇泊呂港四掠

乙未寧陽侯陳繼祖卒

丙申蘓松倭出黃浦新安衛百戶帥印擊倭於青村得勝港
死之倭將入海我飛艦逐之無生還者董邦政擒倭四十餘
人

丁酉總督漕運陳儒聽調巡撫江西右僉都御史蔡克廉改
右副都御史總督漕運兼巡撫鳳陽

虜寇懷安近城殺掠守將畏懦不出致仕叅將周鐘忿之率
舍人十餘逐之戰死又寇萬全右衛指揮僉事蔡隆禦于黑

沙梁身被數創死贈都指揮僉事

辛丑虜三萬餘騎犯宣府游擊張紘以千人迎戰敗沒

贈紘

都督同知

癸卯朵顏屬夷都指揮伯思哈兒私引虜謀數人窺邊守備
詹承恩徼巡盡殺之下御史核實

倭圍江陰甚亟人無固志知縣某惴、或勸主簿曹廷慧自
為計廷慧叱之手斫冢人一耳又欲刃其子衆遂定索薪貫

火擲城外又灌鐵汁乘風發火藥倭始退

甲辰戶部主事沈應乾錦衣千戶李鉉採礦河南

戊申江西左布政使馬森為右副都御史巡撫江西

辛亥李東華鄧棟陳慶劉贊宋繼先劉一麟傅鳴會鄭用賓

張登表汝是為給事中羅縉周京梁汝魁何大章費增姜繼
增陳志徐仲楫周斯盛羅元禎路楷段顧言鄭存仁王業胡
應文何其賢為試監察御史慶鳴會京增應文其賢並南京
吳淞江賊萬人欲西合徐海胡宗憲遣諜說海禦之朱涇夜
遁俞大猷伏并師邀之溺且盡海懼以飛魚冠諸寶貨誘縛
麻葉明輸宗憲遣其弟洪入質我亦厚遣之海麾下麻葉明數
阻海謂幣重而言甘弗可聽宗憲乃遣羅龍文誣海誘縛麻
葉明獻幕府於是海部曲之心益離

乙卯故監察御史包節卒於莊浪節字元達華亭人嘉靖壬
辰進士授東昌推官拜御史按雲南湖廣劾中貴廖斌不法

逮戎莊浪年五十一

七 卯未西苑進瑞穀

錄倭犯兩浙前後官軍死事者

故温州同知黃釗贈浙江右叅議海寧衛指揮使徐行健贈
都指揮使各有差立祠死所祀之

象山縣大風拔木

甲戌署太常寺事禮部右侍郎徐可成為工部尚書仍署任

戊寅左副都御史馮天馭為刑部右侍郎

宣府總兵官歐陽安移鎮薊州永平山海

胡宗憲以簪珥遺徐海侍女翠翹綠珠令日夜說海縛陳東以報朝廷東蓋薩摩王弟書記海重王弟不能也宗憲出麻葉明囚中令詐為書於東反兵賊殺海故不遺東陰泄之海海且感而趙文華方治兵擊海宗憲佯曰彼且縛獻陳東何戰為海果賂王弟詐請東代掌書記即縛以獻於是海勢日孤又諉乍浦賊出巢官兵乘之斬三百餘級海自念數有功又信羅龍文誘約八月二日入謁督府於平湖海先期以數百人曹而入城宗憲文華與阮鶚巡按坐堂上海等叩罪海欲再款宗憲而未之識謀目示之海復謝宗憲宗憲下

堂摩其首曰若既內款朝廷且赦若慎勿再虞厚犒遺之海既出知官兵大集二十萬陰收陳東餘黨宗憲遣童華往解之曰官兵防東黨耳非有他也海請居東沈庄陳東黨居西沈庄又令東詐為書遺其黨曰海約官兵夾勦汝矣東黨果疑相攻海降遣裨將辛五郎歸島宗憲密令俞大猷等分海道要衝責盧鏜擒五郎計誘之金塘之麓後獻俘癸未右僉都御史趙大祐為左副都御史八胡子追奪徽恭王厚燭真人印嗣王載埜多不法謂其怙先寵也

辛卯興大同屯田

甲午衍聖公孔貞幹卒京師

治四川之鑛得銅工疑使者不恪嚴嵩謂鑛產徼外曲論

蠻獠而得之最不易自後其治金銀以工工命馳青守臣

丁酉前南京刑部右侍郎郭持平卒持平字萬安人正

德十二年進士

己亥右春坊右中允董份為翰林學士

虜千餘騎犯神木

壬寅命有司採芝宛平人張巨祐獻芝五本賜金幣自是獻

者踵至

癸卯大理寺少卿馮懋卿為右僉都御史

丙午大風霾

辛亥肅州衛天鼓鳴有星晝見西行至東有聲

官軍進攻東沈庄徐海急沉河死斬首千二百級浙直寇平

海故杭之虎跑寺僧叔碧溪雄海上稱天差平海大將軍其

黨陳東輔之

茅坤曰海以一緇衣起島上五年之間百戰百勝朝廷徧

徵海內諸名將與之喋血吳越諸州縣間未聞有俘其偏

卒方且擁兵數萬人分五道入湛舟以戰示無復遠意當是時其氣飄忽奮迅固已欲吞江南矣何其猛也已而困於胡公區、之餌卒之糾纏狼狽以自剪而死者刳羊豕然豈非所謂人固屈於慾也乎善哉友人唐司諫嘗曰始賊盛兵圍桐鄉時假令胡公持觥、不量彼已而鼓兵以戰一蹶而借東南事去矣今且堅忍紓徐以收之兵法曰利而誘之亂而取之若胡公者可謂合兵變者也

馮時可曰初作難發於元罷海漕青徐運卒探知地利逆節萌起故禍中遼左山東及張士誠方谷珍分據東南海上而遺孽竄島中兩浙淮揚驛騷矣嘉靖中葉患益侵廣天下傳奉勦寇鼎沸波蕩無異故實以王直徐海二酋使然彼皆豪舉困於州邑之蹈藉跣地邑斃無以耗其雄心獨怪當事者奈何不令之爪牙邊鄙而驅之耳目外夷也宋臣鄭剛中議欲錄用瀕海諸豪以資捍守而高帝盡籍海上惡少為伍長嗟予深慮哉談遷曰倭之患東南非倭也東南人自為之也如王直徐海開禍浙直者數年頭臚枕籍孫恩盧循有加焉胡宗憲以戰國押闔之術百計而始一中之魚雖潛不能捨芳

餌兔雖狡不能出其重羅非宗憲之智而徒以兵力相
勝堂、之陣正、之師浙直其安所抵哉

錦衣千戶全天爵進鑛銀三千五百金上善之戶部跡頌
并宣示四川山東河南採官搜其僻從之

順德知府李攀龍為陝西提學副使

壬子命於福建廣東番舶購龍涎香并及雲南時迫求之論
者罪陶仲文顧可學始其事

九羽辰朔海州地震聲如雷

戊午前駙馬都尉鄔景和自崑山入賀壽因言臣五世祖寄

籍錦衣衛世居北方今被罪南徙不勝犬馬戀主之私扶服
入賀退而私省公主墓於西山丘封藜然荆棘不剪臣竊自
念孤死尚正首邱臣屬為生人託命貴主獨於死者魂魄相
吊數千里外不得展春秋祭掃之誠拊心傷悔五內崩裂臣
之罪重不敢祈恩惟陛下幸哀故主使臣得寄籍原衛常
於靈影相依死無所恨上憐之留京

已未免武昌水災田租

庚申秦州秦安地震

海西建州降夷六人孛顏三衛降夷六十五人安置兩廣

辛酉免畿郡水災田租

壬戌虜二萬餘騎入遼東平川錦川等堡叅將羅克臯等禦之失利指揮劉洪臣千戶黃相李承宗百戶管振死之

乙丑徽王載堦有罪詔廢為庶人載堦慧巧出恭王厚燾工淫虐過之益伺上意所以悅帝萬方故初於徽最親王置

傳聞上起居王府中具百工精巧殊異王又善以其慧調度之其器物甲天下王好琴嘗與知州陳吉爭斲琴事訟於朝

上為杖殺巡撫駱昂成陳吉及巡按御史王三聘上宮中有酒王先時獻老道者南陽梁某高輔年八十餘手甲長

數寸善導引王厚遇之進之上拜散人梁庶謹有所賜予

皆辭王使人求謝不能應使人歸惡梁於王而王不知也王故煉女葵服之上亦須此梁馳求王不與而王方自恣盛

興土木花石作大小殿廊百餘所奪士民第舍城外塚妨行宮掘之至七十餘塚築飛觀數十丈自北城女牆上連後苑

為棧激水入觀輪苑沼復造二樓亦數十丈皆繡窓雕戶衣以華金文錦自擇民間美子女日淫酣又詐稱張世德走南

市京四女至王莊驛吏察其凡微見王衣疑而拘之王階垣出庫官王章直諫斃之前後所殺亡辜二十餘人他日梁散

人侍上問徽王亡恙對曰者自南京歸有微疾上默然
會民耿安女強入宮捶死安上變言王竊出窺南京形勢五
日一探上起居幸殿隙為不軌巡撫潘恩巡按昭亦奏王
罪庶之俱有狀命奪爵幽鳳陽載堙聞之先殺其嬖妾而自
經國除

何喬遠曰初恭王雖虐然好士無與比時具饗府中食士
而較之歲大比親勸駕踰等於有司故猶得以保其國而
王竟坐荒縱無忌亡魯論謂衛靈公用賢不喪虐書戒其
酒嗜音峻字雕墻比之謂也

談遷曰親藩非反逆國不除其淫虐見罪僅譴其身未絕
封也徽自恭王諂上奉玄賜號真人禍機所伏更梁散
人成之昔楚王英最先好佛以逆誅徽庶人好道亦然孔
子所以致戒於異端也然瀟宮夷社其罰已甚獨不念

高皇帝祖訓所著耶

免應天池太蘓松常鎮田租

丙寅免南贛汀州水災田租

丁卯登州地震

戊辰杭州大火

翰林學士董份侍讀瞿景淳主武闈

己巳吏部左侍郎署詹事府事閔如霖為南京禮部尚書順

天府尹汪宗堯為通政使

庚午蔣佑嗣西寧侯孫文棟嗣應城伯蔣傳弟孫永爵子

丁丑火星犯太微垣上將星

戊寅孔尚賢嗣衍聖公

少詹事尹臺為南京吏部右侍郎翰林侍讀潘晟為南京國

子祭酒

十朔戎朔日食

戊子虜十萬餘騎分掠大同紅門及老等堡總兵孫朝等拒

卻之

辛卯故揚州同知朱褒贈錄後揚州死事諸臣左叅議詹子學伊國子生各有差

壬辰浙江布政司經歷吳成器有父喪胡宗憲言其功奪情

進紹興府通判

慈谿故省祭官杜槐贈光祿寺丞詹子入監父文明贈府

經歷並立祠

湖廣總兵官平蠻將軍東寧伯焦棟疾歸

丁酉免遼東寧夏屯租

總督湖廣川貴侍郎馮岳為右都御史總兵官石邦憲署都
督同知各仍任

己亥安遠侯柳震為總兵官鎮守湖廣

庚子許蘓松兵備叅政兼副使任環終喪

壬寅賜黔國公沐融沐華祭塋雖皆殤以嗣爵例卹

癸卯金星書見四日

刑部郎中王世貞為山東按察副使

乙卯前南京吏部尚書朱希周卒希周字懋忠崑山人弘治

丙辰進士第一授翰林脩撰遷侍讀久之逆瑾矯制奪侍讀

仍脩撰已復之進侍讀學士遷南京吏部右侍郎轉禮部左

右至尚書敦重不妄言動歷南寧謝歸以重德表式州閭躬

履貞素雖老愈介年八十四贈太子太保賜祭塋謚恭靖

劉鳳曰古大夫既得謝教於鄉必可以為楷若太宰其人

乎其度休一馬舍覆亡不徧慈仁逮物恭惠之有馬至取

舍進退義形於色自昔之論謂使居官任職無以踰人臨

利害有所執不可奪繫安危為時輕重則舍若人將安歸

哉故總五經之眇論辨文質同異論禮於多寡之際廷爭

面折誠不能如然言不出口而衆雍焉以之端委恭已而

在邦家無間然有大臣體雖不盡用適國稱老焉亦弘於時矣

馮時可曰朱公言訥、不出口步履蹠、如有循一質木

君子耳乃常事壁立斧斷屹然有概如此所謂仁者之勇

非耶今天下所左袒而雅拜者惟清德然多出於矯亢目

異或外飾博聲名非情實惟公盎然純然不取不奪發之

厚德惡知其異又惡知為名哉

倭陷詔安

十一月丁巳陝西山丹衛地連震如雷城圯

丁丑廣東峒賊陳以明等平

己卯前吏部左侍郎兼翰林學士謝丕卒丕字餘姚人

弘治己丑進士及第授編脩歷前官贈禮部尚書

辛巳虜打來孫以數萬騎屯青城分犯一片石三道關總兵

歐陽安拒卻之明日夜入喜峰口殺哨卒四十人知有備乃

遁

乙酉大同妖賊張邦奇呂仲佑伏誅邦奇山西威遠衛千戶

應襲降虜隸邱富部下邱富周原趙全李自馨輩俱我叛人

居豐州在大同右衛邊外崇山環合水草甘美富等城而居

之構宮殿號板升華言屋也富最用事日導虜戰耕收智勇
城豐州日程土石其黨密問曰城則何為曰吾陽為植而陰
為陣使彼怠而弭耳已分三道入會虜謀言中國臺垣相肩
臂猝未易攻而關陝游騎善戰乃散去

倭犯會稽以報沈庄之役官兵莫能禦胡宗憲軍龍山促盧
鏜戰以士疲宜少休宗憲夜召親兵襲破之達旦諸營方知
入賀鏜大慚服

十二月丙戌朔河南左布政使鄭綱為右副都御史巡撫保定兼
提督紫荆等關

丙申益都盜楊思仁平思仁善騎射任俠坐遠遂涿掠昌樂
安邱莒州衆且三百餘人度事急潛遁竟跡捕誅二十一人
戊戌免大同雹災田租

己亥刑部尚書何鰲疾免

永順保靖土兵還道掠諭令後督撫官團練鄉兵勿得輕調
壬寅施嵩嗣懷柔伯

甲辰補給許逵贈禮部尚書三代誥命

乙巳夜大雪總兵俞大猷襲舟山倭殲之斬百四十餘級餘
焚溺為盡

丙午起歐陽必進太子少保刑部尚書

丁未虜五千騎犯陝西環縣慶陽總兵袁正等禦之斬四十

三級

增狼山福山舟師萬人

是歲上睿皇帝道號三天金闕無上玉堂都仙法主玄元

道德哲慧聖尊開真仁化大帝獻皇后號三天金闕無上

玉堂總仙法主玄元道德哲慧聖母天后孝烈皇后號九

天金闕玉堂輔聖天后掌仙妙化元后上自號靈霄上清

統雷元陽妙一飛玄真君後加號九天弘教普濟生靈掌陰

陽功過大道思仁紫極仙翁一陽真人元虛玄應開化伏魔

忠孝帝君再號太上大羅天仙紫極長生聖智昭靈統三元

證應玉虛總掌五雷大真人玄都境萬壽帝君

談遷曰宋之教主道君明之大慶法王誕妄最矣至追

酬罔極不自覺其邪謬也豈稱宗入廟之後猶未慎於心

邪

丁巳嘉靖三十六年

正月朔上不朝

辛酉南京錦衣衛僉事署都指揮僉事黃印為署都督僉事

總兵官提督漕運鎮守淮安

丁卯巡撫浙江右副都御史阮鶚改福建其浙江巡撫事胡宗

憲兼理

太保兼太子太傅宣城伯衛鐸卒贈太傅

辛未東寧伯焦棟卒贈太子太保

乙亥故南京兵部尚書韓邦奇賜祭葬贈太子少保謚恭簡

辛巳湖廣鄖陽地震

甲申閉遷安撫寧昌平礦洞

倭數千人登福建之三沙徧掠海上至寧德殺備倭都指揮

劉炳等

貴州普定衛公署有樹化石

二戊子錦衣衛左都督陸炳劾司禮太監李彬盜帑數十萬計

下鎮撫司獄論死籍銀四十萬有奇金寶亡筭

壬辰山嶺地地震有聲

夜火星歷角天門入於軫至四月戊子滅

癸巳代府溧陽王聰薨

乙未城寶應縣

壬寅西王河奇湖薨

丁酉吏部內計

戶兵左侍郎謝九儀沈良才自陳調南京太僕少卿劉自強

調外

乙巳李儒嗣豐城侯李熙子

戊申南京禮部尚書閔如霖漕運右都御史陳儒通政使汪

宗元提督兩廣兵部右侍郎談愷南京鴻臚寺卿戶部左侍

郎謝九儀各致仕總理河道右副都御史孫應奎巡撫應天

宣府右僉都御史張景賢張渙巡撫陝西右副都御史唐時

英兵部左侍郎沈良才各閑任時科道拾遺不及九儀良才

出特旨亦異舉也

癸丑薊鎮總兵官右都督周益昌卒

虜把都兒以數萬騎犯永平遷安副總兵蔣承勳敗沒越二

日遁贈承勳都督同知世正千戶立祠

虜萬餘騎陷大同拒胡堡殺守備唐天祿把總汪淵南犯威

遠平虜井坪又萬餘騎屯天城攻殺胡等堡

三朔寅朔總督陝西右都御史賈應春為南京戶部尚書戶部

右侍郎吳嘉會為左侍郎總督漕運巡撫鳳陽右副都御史

蔡克廉為戶部右侍郎陝西四川左布政使殷學黃光昇並

右副都御史巡撫陝西四川山西布政司右叅政張鎬趙忻
並右僉都御史鎬巡撫宣府忻總理糧儲巡撫應天
三丁巳起王學益右都御史總理河道巡撫南贛汀漳右副都
御史王鈞為兵部右侍郎兼右僉都御史提督兩廣軍務巡
撫山東右副都御史劉采為南京兵部右侍郎
戊午叙舟山功進俞大猷都督同知

庚申總督湖廣川貴右都御史馮岳為南京刑部尚書巡撫
寧夏右副都御史王夢弼為兵部右侍郎總督陝西三邊南
京戶部右侍郎王誥為右都御史總督漕運巡撫鳳陽

倭千餘人合三沙倭劫福州洪塘焚戰船百餘

虜數百騎寇延綏鎮遠寇常平堡副總兵陳鳳敗沒贈右都
督立祠又虜犯大同中西二路官兵追斬八十餘級指揮湯
汲百戶李朝死之

四戊子刑部右侍郎馮天叡改吏部戶部右侍郎蔡克廉為左
侍郎大理寺卿張舜臣為戶部右侍郎湖廣左布政使王昂
為右副都御史巡撫雲南
火星入軫逆行二舍有餘 工不懌明日諭禮臣禱雨於
雷壇以禳之

已丑 上問輔臣邊墻所始嚴嵩對五代石晉割幽燕十六
州歷宋元入 明初徐達自古北口築至山海關歷朝逾修
今乞補葺閔隘議行之

甲午 巡撫河南右副都御史潘思為刑部右侍郎光祿寺卿

胡叔謙為大理寺卿

倭七十餘人犯如臯登^岸掘港^襲官軍殲之於白蒲鎮

乙未 崇王載境薨謚莊王

丙申 大雷雨戌刻火作奉天華蓋謹身殿文武樓奉天左順

右順午門外^{奉天門}直廬俱災明日^{辰刻始}熄 上大懼引罪

國子同業王材為南京太常寺少卿

丁酉 遣告郊廟社稷

戊戌 移朝儀於端門

倭五十餘人登衢山浙江海道副使王詢誘縛之

庚子 江北倭大至二千餘人寇通州海門應天百戶俞憲章

死之

壬寅 頒災詔群臣^下忽聞門樞聲班大亂不問

倭攻通州不克西犯如臯泰興是日又倭七艘登金沙

癸卯 遼府益陽王致堦薨

戊申提督撫治鄖陽右僉都御史章煥改巡撫河南

己酉蘓州同知熊桴為河南按察副使

倭突揚州廟灣港盧鏜追沉其五舟斬四十餘級出安東復

依缸為巢池河守禦劉顯擊破之斬百餘級餘黨遁去浙倭

犯樂清瑞安臨海台州知府譚綸同知毛德京叅將戚繼光

等禦之並失利

庚戌免作奉天門午門

浙江等省仍歲解軍器

五朔丑朔倭掠揚州官兵潰

甲寅大理寺左少卿劉學易為右僉都御史提督撫治鄖陽

乙卯翰林院編修高儀為右春坊右中允署國子監司業

戊午工部虞衡郎中戴懋核通州潯縣儀真龍江閩蕪湖大

木

己未高郵倭入甯應信宿而去突犯淮安掠民舟復入甯應

癸亥翰林脩撰秦鳴雷為左春坊左諭德

工部右侍郎劉伯躍為右僉都御史總督湖廣四川採木戶

部右侍郎張舜臣改工部採石大石窩

甲子監察御史唐自化林騰蛟鍾沂裴天祐督催工部料銀

辛未巡撫山西右副都御史閔煦為戶部右侍郎

揚州倭犯天長都指揮沃田把總邱君寵禦之敗沒入縣城

已陷盱眙突攻泗州不克

壬申寶應倭泛舟東鄉自鹽城入廟灣出海遁

保定總兵官署都督僉事龔業移鎮大同

甲戌駙馬都尉許從誠尚嘉善公主

丙子南京右都御史倪嵩致仕

巡撫甘肅右僉都御史魏謙吉為右副都御史巡撫山西

衛守政嗣宣城伯衛淳子

丁丑周府內鄉王睦檝薨

泗州倭陷清河侵淮安

進寧夏總兵官姜應熊右都督

已郊改石門寨游擊為恭將

辛巳倭陷安東

六 壬申朔刑部左侍郎蔡雲程為南京右都御史陝西按察使

陳渠為右僉都御史巡撫甘肅

虜犯宣府馬尾梁恭將祁勉以二百人禦之虜走追至李家梁申伏死

之祁勉之代李光啟也懲往事玩寇因亟為扼塞計虜數往

來長城下擾之勉曰不殲虜我土人安所耕牧我安所飭備也未幾虜東下勉率兵直前士卒多死傷監司謂傷勇劾奏之將罷官候代至是虜又至勉曰我固將去然義不得避艱險仍引擊以兵寡被圍力屈死之

癸酉盜劫平涼府獄

甲申婉嬪趙氏薨

裁鴻臚寺序班五城兵馬司添設副指揮及各房監倉庫官吏

淮安兵備副使于德昌擊安東倭叅將王介劉顯率苗兵突戰斬其渠帥賊卻諸軍乘之斬百餘級餘多焚溺因自刀門

港遁

給鳳陽巡撫王誥符幟

方城王褒煇薨

癸巳南京工部右侍郎楊大章為刑部右侍郎

甲午罷陝西採礦

兵部右侍郎江東兼右僉都御史提督山西保定河間兵勦倭樓口游擊邱陞京營叅將徐珏萬全都指揮夏時為游擊從征

乙未長寧伯周大經卒

庚子徵戶部中庫十萬金

辛丑有倭舟一飄海州東陬山數日奪舟去

乙巳國子祭酒郭鑾為南京工部右侍郎庶吉士姜寶服闋

為編修

巳酉揚州備倭叅將王介劾兵備副使馬慎貪黷阻撓奪級

為馬公子功蓋尚書馬坤子也慎免官訊馬公子及介自贖

庚戌順天府尹黃懋官為南京戶部右侍郎總督糧儲太常

寺卿署國子祭酒教銑服闋補原秩

七丙辰總督宣大楊順議罷大同總兵趙卿副總兵田世威從

之

丁巳前右中允秦鳴夏卒鳴夏臨海人嘉靖壬辰進士第一

趙文華薦之起兵部主事未赴

庚午封厚炫益王翊鉞長沙王鼎鉉俊桂吉陽王充坻潞城

王定燝廣濟王頤塢東原王觀瀋樂陵王觀潏鉅野王翊鏞

德安王載鈴樊山王在英安昌王朝型湯溪王勤燝清河王

睦橋河陰王恬勵宿遷王知婚靖安王載望新安王載堠臨

胸王宙桃郎城王拱振建安王

詔順天市珠四十萬枚廣東採珠九十萬枚

甲戌吏部文選郎中查秉彝為太常寺少卿

丙子廣東福建始進龍涎香

蔣洲以倭酋德陽左衛門善妙松柴門等五十餘人泊舟山

胡宗憲以聞

八月亥陽穀縣署涌血高尺餘

庚寅加贊直諸臣官朱希忠益祿百石方承裕少保陸炳少

傅嚴嵩兼尚書俸徐階少傅李本太子太傅禮部尚書吳山

太子太保侍郎郭朴茅瓚袁煒俱太子賓客仍三品服各春

坊進太常寺少卿已諭侍郎兼學士除侍講

前禮科給事中許相卿卒相卿海寧人正德丁丑進士遇事

敢言早歲桂冠人咸高之

丙申諭改奉天殿名

丁酉楊乾亨何燧蘓景和陳麟郭嵩劉祐華秉中歸大道董

遂李希洛許從龍徐浦張學顏郭斗金燕為給事中高應芳

方攸績金應奎祝堯煥黃希憲李瑚劉耀李廷龍董堯封劉

以節王汝正王宗舜徐大壯凌儒姜儼曾唯蔡結欒尚豹

龐鵬甄倣陶應龍史官唐計祿王大任王漸羅廷唯莫仰王

喬年為監察御史大道斗燕先煥宗舜希憲大壯湖耀並南

京

庚子宮人王氏卒追封懷妃

辛丑總督宣大侍郎楊順劾懷隆道兵備副使胡賓冀北道
叅議左希祖不赴任建之請用

工部尚書趙文華免 工急正陽門樓文華雖慄校無應卒

才 工不憚嘗登高西望高薨誰氏第也左右以文華對工

部未半治其第何大工為 工稍聞其江南贖貨殃民而難

嚴嵩語大工之緩嵩言文華方疾 工遣內監偵之則酣倨

曰吾第飲酒耳何疾於是詔左侍郎雷禮太監袁亨為植仍

添注工部右侍郎吏部推署通政事工部左侍郎盧勳署尚

賢事工部左侍郎嚴世蕃 工用勳文華隨引疾乞假命還

里改刑部尚書歐陽必進為工部尚書

支大綸曰 帝之好憎言動文華所稔知者乃於止封請

告內暨易與耳而激其怒素善諛而泄忿言皆非常情將

氣盈而不能制耶

癸卯命各官各王府俱助工

甲辰福山縣地震

丁未新作午門

南京戶部尚書賈應春改刑部尚書

虜犯遼東義州太平等堡指揮姚良柱千戶鄭堂百戶崔孝忠俱戰死

九 辛卯亥朔前工部尚書趙文華削籍 上悉文華罪言官噤不

敢言子錦衣千戶懌思請假送親時聖誕祈典停封遂晦日

工之謂朔日御覽亡害也 工怒責文華引疾欺君况賊殺

亡辜朕大宥之翼子故冒吉期不敬黜文華成懌思因詰禮科

失糾合對狀都給事中謝江等右給事中鄭國賓給事中周殷大操

守經陳麟楊乾亨並引罪各廷杖削籍露其江南不法事示嚴

嵩、皇恐自謝

談遷曰小人依憑城社舞其私智報睚眦而藉寵靈不騫

不崩莫之或敗也趙文華父事嚴氏廉耻道喪使與分宜

同譴亦冰山之常乃嚴氏之燭尚炎而文華且褫服黔首

等於罪隸矣忤嚴氏而敗不過沒齒編氓子備戈矢之列

今以謫嚴氏得之士君子飭身立名奈何以朝榮而瘁其

本根哉

虜二十萬騎入寇破應州七十餘堡掠朔州懷仁馬邑總督

侍郎楊順見失律當坐乃令總兵殺避兵民婦工首功以自解得不罷

命陝西茶課九十萬斤易番馬餘百萬斤納邊鎮備餉

壬子翰林院庶吉士姚弘謨服闋授編修

癸丑禮部類進鮮芝千本有奇

甲寅祀故大學士顧鼎臣於崑山始鼎臣城崑山鄉人追思

其德

南京工部尚書馬坤改南京戶部尚書

丙辰山西按察使副馬佩為右僉都御史巡撫順天時大理右寺丞

張社進撫順劾詞

己未潘府榮和王銓鍾堯

癸亥殺故錦衣衛經歷會稽沈鍊於宣府鍊丞保安為偶人

三像李林甫秦檜嚴嵩日射之值薦紳必痛斥嚴氏宣大總

督侍郎楊順多報首功鍊詩刺之殺生報主意何如解道功

成萬骨枯試聽沙塲風雨夜冤魂相喚覓頭臚順希嵩指屬

御史路楷捕蔚州妖人閻浩等皆白蓮教通虜誣鍊導之斬

宣府市子襄成邊鍊會稽人 進士

何喬遠曰嘉靖之世北虜南倭並為國患曾銑楊允繩沈

鍊或當任或在旁觀其心胆並壯忠憤並切而皆不得全
其軀患在嫉惡過當而幾事之不密也大雅曰既明且哲
以保其身故夫柔剛微彰以望萬夫蓋君子哉
談遷曰沈純甫氣吞逆胡當庚戌秋怒目而斥嚴氏其強
直自遂固已不可一世矣投身荒塞隱約潛晦何必不自
得至於傳檄京師欲清君側之惡以視請劍咏檜
為過之儉德避難豈其然乎嚴氏假手楊順微文所陷不
異兇畔又出鉗網之外小人倖一時富貴安問天道哉
甲子總理河道右都御史王學益為南京工部尚書

免蒲絳災傷田租

裁南京錦衣衛左僉書

戊辰堊見天市芒尺餘

庚午南漕王定瀆薨

丙子陝西左布政使王廷為右副都御史總理河道

免徐蕭定遠水災田租倭患免寶應清河天長盱眙安東田

租

哈密衛都督米兒馬黑麻乞貢以土魯番見侵特許之
山西總兵官署都督僉事孫朝移鎮甘肅

丁丑盜劫上元縣獄罷撫寧侯朱岳守備太監郭倣
王直毛烈葉宗滿等同夷裔千餘人泊岑港毛烈自詣軍門
乞降求市胡宗憲令還俟後命

虜數萬騎入大同右衛抵應朔懷仁馬邑攻毀七十餘堡太
殺掠

虜入遼東鎮武等堡

盜劫樂安縣庫

十月午詔禮部採芝名山

丁亥起李遂右僉都御史提督軍務兼巡撫鳳陽

大理寺卿胡叔謙疾去

福建副總兵署都指揮僉事張承勛為署都督僉事總兵官

鎮守山西

己丑宮人馬氏卒追封常妃

癸巳南京大理寺卿錢邦彥改大理寺卿

乙未時大木不當故殿材工部以為言上曰子孫能守葦

亦可久尚書歐陽必進懼罪請先立殿柱

丁酉東鄒縣地震

兩浙稍寧汰水陸募兵三萬餘人

庶子裁畿內冗官

辛丑巡撫延綏右僉都御史石永為南京大理寺卿

甲辰襄陽知府李一經工部郎中戴懋儀真知縣師儒各遲

悞大工逮入京削籍

故應天府丞朱隆禧賜祭塋隆禧善方術加禮部左侍郎致

仕工以所進藥方香衲猶在御特卹之

丁未作太廟門

十貳庚戌朔大理寺左少卿董威為右僉都御史巡撫延綏

免山東災傷田租仍賑之

乙卯總督浙直福建右都御史胡宗憲報擒海盜王直前蔣

洲陳可願說直直聞母妻亡恙留洲為質令黨葉宗滿王汝

賢王激同可願報謝宗憲待之如故交時對將吏曰直非

寇計無聊耳見我必且得釋直聞移泊岑港請開市宗憲大

集兵伏教匝而身同激起居露諸將請戰書於几上激竊視

之宗憲佯醉夢中語曰吾欲活若故禁不進兵而若何愚也

激漏於直又使其子澄刺指血東直而令謀說直曰若且降

以為都督置司海互市直亦誓自效還蔣洲因請王激攝營

兵乃詣幕府宗憲遣之直未至巡按御史周斯盛罪洲妄逮

之洲對必風阻耳已議定海誓衆曰宜謹備俞大猷宗憲乃
調大猷金山易以總兵盧鏜、故與毛烈善直求見蔣洲方
下獄以指揮夏正往直同宗滿王清溪入見宗憲慰藉之下
按察司獄奏僂直等正法或貸死成海工係遠人心俾經營
自贖巡撫浙江御史王本固力以為不可江南人多言宗憲入其貸為
貸死宗憲惧追所奏盡易其詞謂直罪不赦惟上命而本
固復責宗憲擒王激謝和於是詔宗憲勦滅宗憲會師守倭
舟倭怨我移舟山據之宗憲仍好言募盜
徐學謨曰倭人內訌江南人俱罪王直為之謀主朝廷

亦懸不次之賞冀以擒直願茫然海島中何所踪跡而宗
憲以同鄉故既易於用間而其才智胆略亦自有大過人
者故卒縛直以報天子功亦偉矣而言事者附新輔臣
意誣宗憲黨直勾倭必欲殺宗憲以悅其所仇此天下之
大冤而至今無人白之也萬曆庚寅間始稍蒙卹典然報
之亦未盡古云功蓋天下者不賞以此

庚午大光明殿成

丙子總督漕運右都御史王誥卒

丁丑虜酋辛愛妾桃松寨來逃桃松寨以私部目收令哥俱
誅相率入大同新平堡求降總督楊順詔為奇功致之闕下
辛愛俺答子^其士馬雄冠諸部最兇狡因騎索之縱掠大同左
右衛云不得患不止巡撫大同右僉都御史朱爰言強虜耻
共妾益咆哮後將何備虜益兵圍右衛順大恐言虜願以叛
人趙全邱富等易^其逃婦兵部信之於是遣桃松寨收令哥等
還行至白登順令人誘收令哥携桃松寨自西陽河夜逸西
出塞道辛愛追憐之虜薄順等無能散牧威平間攻圍右衛
益急

徐學謨曰桃松寨一女子耳何以張中國之威即拒而弗
納可也即縛桃松寨還之辛愛以結其心亦可也奈何守
者既納之而楊順顧自詡以為奇功則邊釁之啟所由來
矣順本齷齪小人難屬大事固無足怪而是時廟堂亦漫
無區處令醜虜狎視朝廷亦可耻也

赤青見於福建興化燿如營火居人大震

十月二庚辰朔金星晝見

癸未工科給事中徐浦劾胡宗憲阮鶚及通政使呂希周等

軍興濫費下巡按御史核實

免寧波紹興台温處水灾田租

甲申總理河道右都御史王學益引疾去

時陞南京工部尚書詔原職致仕

前太子少保工部尚書蔣瑤卒瑤歸安人弘治己未進士除

行人拜御史歷守荆揚值武宗南巡強執不撓揚人賴之

江彬索賂不與舉所賜銅符瑤不為動

晚躋八座端亮清介貌若恂、遇事不可奪年九十贈太子

太保謚恭靖

先是妖人馬祖師寫湖州烏鎮沈氏松幻惑糾衆舉事官兵急捕

盡獲之獨逸去

乙酉前大理寺卿牛天麟卒

己丑盡罷各督撫官贊畫者

庚寅廣東扶黎葵梅等山峒賊平

辛卯刑部右侍郎潘恩為南京工部尚書

丙申巡撫江西右副都御史馬森為刑部右侍郎大理寺少

卿趙炳然為右僉都御史巡撫湖廣

琉球國中山王尚清世子尚元遣正議大夫蔡廷念等入貢

且請封

丁酉陝西涼州等衛地震有聲

戊戌冬寒暫停山東保定山西採礦

壬寅劉體乾李泰為通政司左右通政

丙午山西平遙盜田武苑擒

戊申免遼東水災田租仍許入關糴買

虜入遼陽殺掠數千人副總兵王重祿禦之喪卒四百人奪

總兵羅文秀俸三月

總督湖廣川貴侍郎王崇古破貴州叛苗

戊午嘉靖三十七年

正朔戌朔上不朝

癸丑光祿寺火

丙辰雪禮部表賀

戊午虜圍大同右衛逾月不解右衛地斗入胡中其南通川

賊分騎塞道楊順告急命發帑金十五萬調游兵六枝援之

遣戶部郎中謝教給軍

倭犯潮州之駝浦陷蓬州千戶所

陝西地震

鄠縣人王金獻萬歲芝山金故太學生殺人坐抵鄠令陰鳳

麟以其秘方減死逃匿趙文華所時四方日進芝積於西苑

金賂內使竊芝出聚百八十一本藜如山祝壽賜金
癸亥罷河南採礦

乙亥勅獎琉球國世子尚元歲丙辰倭入其境盡殲之還我
掠者金坤等六人至是并獻勅賜金五十幣四

戊寅陳維藩嗣寧陽侯 陳繼祖子

穎州妖人高普仙夫婦主白蓮教自稱帝后其妻捕獄死

二月酉廣東指揮僉事萬仲部兵擊倭而潰千戶魏岳高洪死
之

癸巳令工部檄採木官吏晏靜不得久拘妨農

甲午大同右衛千戶魏昂走虜還索其婦子副總兵尚表擒
之伏誅

丙申錦衣衛匠餘陳岳援例輸二千三百金兵部奏授都指
揮僉事南鎮撫司視事月支俸子襲一革兵科都給事中湯

日新等言其非制 上是之改岳註所分帶俸奪兵部司官俸

三月 戎戍戶部尚書方鉉以倉庫匱乏上便宜七事得旨切責再

議先發金五萬粟二萬石救萬石授右衛報可

胡宗憲分兵六路進岑港都指揮戴冲霄為鋒殺傷頗多宗

憲戒勿取級蹂屍而戰賊大敗奔舟已復登陸死戰義兵稍
卻賊得入營固守宗憲檄諸將曰賊當解久矣不解者有狀
度春汛及新冠必來援耳我踈則彼合矣亡何果有數十舫
泊普陀山王激先風溺死

三廟戌監察御史唐自化調大理寺評事自化催餉山東薦僉
事周世遠益都知縣張鵬俄巡撫傅煦劾之吏科糾自化失
實

辛亥山西寧化王奇法等以宗祿不給毆傷左布政使劉望
之革祿三之二餘降罰有差行晉王戒飭

丁巳潮州地震

戊午遼東大饑人相食發五萬金賑之

甲子協理京營戎政兵部右侍郎鄭曉為刑部尚書

逮提督福建軍務右副都御史阮鶚入京鶚狡誕貪縱借講
學獵名論事趙文華胡宗憲躡撫閩不措一籌極意豐殖所
至帷幣盤盂俱綺錦金寶歲時賄嚴氏甚厚昨倭犯福州南
臺洪塘不能兵則以藩庫金數萬及絹數萬匹金花干牙輿
數乘賂之并遺巨舟六艘御載而去御史宋儀望悉其奸發上始怒
丙寅浙江布政司右叅政王詢為右僉都御史提督軍務兼

巡撫福建

丁卯寧夏副總兵王懷邦為署都督僉事總兵官鎮守山西
戊辰前薊鎮巡撫吳嘉會以築邊倖成旋地被劾逮下獄
刑部尚書鄭曉署兵部兵部右侍郎江東為左侍郎戶部右
侍郎閔煦改兵部右侍郎

己巳南京兵部右侍郎劉采為兵部右侍郎協理京營戎政

辛未虜千餘騎自滴水崖犯永寧宣薊告急

乙亥巡撫遼東右副都御史蘓志昂削籍以前不援廣寧安
報功也

丙子刑部右侍郎馬森改戶部右侍郎山西按察副使路可
田為右僉都御史巡撫遼東南京大理寺卿石永為南京兵
部右侍郎

刑科給事中吳時來刑部主事張翀董傳策各劾嚴嵩納賄
嵩以時來翀皆次輔徐階門生而傳策又階鄉人也乃密奏
時來等同日構臣必有人使之且時來已遣使琉球疑其悔
行欲藉口自脫因封進時來翀試錄遂下時來等鎮撫司訊
所使以聞錦衣左都督陸炳心嚮階坐翀傳策相主使時來
避遠役獄上各遣戍翀都勻衛初階附嵩得入相倭寇海上

市宅南昌稱嵩鄉人通姻其交至密又時為人語時政輒
太息流涕微示異同自時來等交章始疑階而却并及炳
林之盛曰張公劾嵩同事者三人華亭不良苑仙居竟奪
其謚皆以改節故獨張公始終一德榮名無既無所為而
為故其節貞也矣有所為而諫寧能久乎

丁丑直隸永平地震

毛烈率衆合巢於岑港恣掠

衡州黑青見

四朔寅朔刑科右給事中郭汝霖行人李際春封琉球國世子

尚元為琉球中山王

庚辰前大同巡撫右僉都御史朱爰剗籍罷副總兵王尚忠

辛巳新倭大至犯台溫樂清臨海象山及福泉興化海上同

時發掠

兵科給事中鄭茂勣大同楊順路楷罪

癸未趙祖光嗣忻城伯趙武子

左副都御史趙大祐為刑部右侍郎應天府尹葉鏜為大理

寺卿

命薊州副總兵馬芳授右衛益甲五百人是日右衛致仕叅

將尚表謀至云三月戊辰官軍突圍擊斬一人俘十八人俺
荅孫某壻某與馬退舍十里遣謀十二人僅一至上悅進
表都督僉事叅將麻祿為都指揮使部曲陞賞有差
再命御史吉澄賑遼東發二萬金

丙戌太子少保兵部尚書楊博奉詔趣大同

總督浙直福建胡宗憲進舟山白鹿告廟表賀

己丑右僉都御史馮懋卿為左副都御史

庚寅裕王妃李氏薨上手定喪儀如壽定王繼妃吳氏

例部跡稱薨非禮改稱故

壬辰大同右衛圍解自去年九月入犯故叅將尚表轉餉入城

於是益兵圍之隻騎不得出表力守不下至是江東楊選張

承勛大集兵始遁初上屢問嚴嵩意欲棄之難於發端

謂本兵許論習塞事可召對論言向者東西堡寨聯絡今悉

遺於虜一孤城在絕塞外常宿重兵費餉五十萬庶可保也

論故設難欲上自棄之上不為動益措兵食得全

大同右衛乏食勢不能支會千戶張大用奉命逮總督楊順

還具以告錦衣左都督陸炳、跡聞命選官往勞而語總督

江東急設策救之炳復遣大用及百戶謝麟以行至則宣

上德意江東所市芻餉亦集各授兵會於左衛城歛血盟諸將以四月朔鼓行而西虜解圍去說者謂遲五日則右衛不守矣

甲午大理寺左少卿邢尚簡為右僉都御史

丙申倭陷福清執知縣葉宗文貢士陳見率蒼頭禦賊訓導鄔中涵同被縛罵賊死

丁酉賑大同右衛給屯種各二萬金

辛丑命禱雨

戶部尚書賈應春請遣官各省督漕

上不許第令吏部限

本官完十之七方推轉

癸卯倭千餘攻惠安知縣林咸力禦之五晝夜不克

乙巳修孝陵

潘府永平王恬熾薨謚莊憲

五朔申朔遣給事中魏元士劉一麟梁夢龍李春芳沈純張益羅嘉賓催餉以遼東饑罷之

倭焚南安

己酉留楊博總督宣大

免渾源旱災田租

甲寅福建惠安知縣林成追倭於鴨山縣境之乘勝寨賊中陷伏死之

楊博言各邊功次武夫力而獲諸原文吏坐而享其利請自

今非履陣者議賞母爵又罷班軍改徵銀濟邊獨石地形東

薊西宣相錯如繡宜令精卒懸衡其間有急則左右折衝赤

囊白羽兩鎮互傳不及者法蓋宣密虜巢常得其形薊倚屬

夷先得其情宣薊如左右手則落虜角距矣巡撫江東言賊

以實窺獨石則衛卒師關外過其南下若以聲犯獨石則衛

卒師關內杜其東侵從之

己未增山西兵備副使總理左右威平四衛

周府原武王安其薨謚恭順

裁河南按察副使開封府通判各一

辛酉賑灤州

乙丑陝西西安地震有聲

丁卯山西蒲州地震三日聲如雷

戊辰浙江東陽張思齋家地裂涌血尺餘血天就凝食之坎地無所見

甲戌倭自福清出港叅將尹鳳等邀擊之斬六十八級擒七

人又追至外洋斬百餘級擒十六人傷溺甚衆

乙亥陝西淳化縣雨雹

六月丑朔兵荒以宣天三鎮暫免居庸商稅

己卯故台州府知事武暉贈太僕寺丞蔭子尚賓國子生水人

逮大同北路叅將周現入京戍邊現分守拒門等堡通虜開

市素往來楊博疑之下法司奪其世襲

命在京軍民詞訟各官巡城御史不得徑理

癸未蠲大同被虜田租

甲申蒲州地震有聲

乙酉增狼山副總兵署都指揮僉事鄧城為之

遼東總兵劉文勇劾免緊雲副總兵楊照為署都督僉事總

兵官鎮守遼東

提督福建軍務右副都御史阮鶚削籍鶚賂嚴嵩為請於刑

部尚書鄭曉薄其罪

丙戌倭分掠樂清永嘉金盤衛指揮劉茂朱廷鑰千戶周賓

李爵劉源禦之白塘港敗沒賊大掠臨海前廣東僉事王德

率鄉兵戰龍灣見殺贈德太僕寺少卿賜祠祭廕一子百戶

戊子巡撫南贛汀漳都御史周滿疾去江西左布政使宋淳

為右副都御史巡撫南贛汀漳會劾免起何思右僉都御史

巡撫南贛汀漳

辛卯大朝門午樓左右順門俱成

虜牧近邊選將守獨石偵備仍移口北道駐之參議改

駐赤城

禁屬夷不許內徙

癸巳盜殺安慶守備王佐於江中改池州安慶守備並九江

兵備節制

丙申倭分寇興化漳泉陷福清南安

南京工部右侍郎郭鑿鑿字新山西高平人嘉靖乙未進士館選授檢討歷

修撰洗馬祭酒至今官

癸卯西苑作壽明殿

荆府永新王厚煌薨謚安莊

乙巳命遼東跪馬寺卿駐金州放各島商船不稅

胡宗憲逐普陀山倭走朱家山岑港賊亦走宗憲度其必合

沈家門馳詣定海令夷僧私招之兩賊猜疑相擊我乘之賊

大亂火其巢賊走柯梅嶺宗憲伏卒山下挑以小艇賊逐利

悉至伏發夾擊殆盡

固原州大雨百日腐菽麥傷禾

七期申兵部左侍郎吳嘉會削籍致仕總督侍郎何棟閑住論

人脩邊侵冒之罪

己酉械延綏游擊徐綱赴京綱前守備大同殺胡堡私卒胡

大順擒騎將塞內者曰燒漢單虜甲馬乘綱利其物燒漢以贖免楊博請懲綱貪玩仍錄大順功

庚吉士王學顏為編脩李袞為檢討

癸丑量減薊鎮防秋調兵

甲寅裕王妃李氏葬金山

丙辰翰林侍讀瞿景淳陳陞主試應天

岑港倭未平奪總兵官俞大猷叅將戚繼光等職級刻期平

賊

戊午廷臣各舉將才前侍郎郭宗皋都御史曹邦輔吳嶽王

紳祭酒鄒守益脩撰羅洪先御史吳悌方涯主事唐樞叅政

周大禮曹亨叅議劉志知府黃華等吏部覆用御史羅廷唯

乞更詳覈上責吏部濫舉俱寢

庚申兵部署職方郎中唐慎之覈兵薊鎮順之久廢趙文華

視師江南薦順之及其徐鳴夏於嚴氏起兵部主事鳴夏道

平時頗病之初俺荅陰令東虜入犯箭捍黑峪諸路戎軍

頗損兵部言各邊選士戍薊疲困已極而薊卒選換坐食諸

臣皆不任練習實負陛下請以郎中唐順之按視

馮時可曰荆川以翰林者宿起司馬曹郎其非政府所私
可知矣在荆川自計還翰林則以名處出或不安補兵曹
則以實用處豈所安海氛甚惡玉几宵旰何時也而敢擇
便是時庸者滿交戟而馳一傑於烟濤戰塵中使之畢
命以沒奈何又苛責哉

甲子增京城提督巡捕右叅將

丁卯改口北道兵備

駐獨石叅將駐赤城

庚午封翊鑄崇王宣圻蜀世子倪熿慶世子瑾堯瀋世子徹
棟德平王載圭衡世子在鈺遂平王朗鏐休寧王敬鏞永壽

王俊柵山陰王

閏七月丙子朔翰林編脩胡杰為侍讀檢討林燠為脩撰

虜犯遼東根單堡副總兵劉岳拒卻之擒斬二百四十八

丁丑李登雲補通政使

台州知府譚綸為浙江海道副使

操江都御史高捷以盜熾劾免

己卯靖江王邦寧與宗室交訐戒諭之

庚辰西苑進瑞穀

壬午裁湖廣廣西冗官

癸未上作承天府元祐宮碑

前總督宣大兵部右侍郎楊順成邊巡按御史路楷謫邊初

刑部論順死楷削籍嚴嵩私德其殺沈鍊也故緩其獄遣給

事中鄭茂勘工事諸志為辨刑部尚書鄭曉改從輕比士論大諱

丁亥宮人張氏卒追封安妃

癸巳胡宗憲獻齊雲山白鹿進一秩

丁酉汝王祐惇薨年七十五謚安王亡子國除繼妃李氏乞

視壽涇二王例還京師

暹羅國王勃略坤息利尤池牙入貢上金葉表

己亥齊東王厚炳薨謚溫惠

庚子雲南巡撫都御史王昂為南京工部右侍郎

癸卯定漕糧掛欠之罰違限

八胎辛亥太常寺少卿兼翰林院學士董份翰林侍讀高拱王試

順天

丙辰夜月食

庚申貴州左叅議王重光卒重光入山採木赤水衛指揮俞

事王之屏從行值水死

壬戌遣御史羅毅分貯宣大倉場

丙寅山東左布政使游居敬為右副都御史巡撫雲南按察副使李文進為右僉都御史巡撫大同

己巳虜犯宣府赤城官兵擊斬十二級把總馮尚才死之虜三萬騎犯永昌涼州等衛圍甘州十四日去之

癸酉南京後府伏羌伯毛桓卒

兵科給事中鄭茂上邊務八事審要機慎選用屢巡歷明戍

守攻火器清耗蠹申禁例恤凋殘議行之

九甲戌朔胡寅翰林檢討陸泰直講景府制勅房通政司知事李中

侍讀

宣府巡撫張鎬薊鎮巡撫馬佩並劾免寧夏巡撫王鎬調南

京

辛巳停開納事例

壬午山西巡撫右副都御史魏謙吉為兵部右侍郎總督陝

西三邊軍務大理右寺丞霍冀為右僉都御史巡撫寧夏巡

撫南贛汀漳右僉都御史何思移宣府起王輪右僉都御史

整飭薊州邊備巡撫順天

戊子河南左布政使范欽為右副都御史巡撫南贛汀漳

翰林待詔尹樂舜鄭守德潘靜深李秀為禮部主事仍命事

己丑山西按察使葛縉為右僉都御史提督鴈門等關兼巡撫山西

唐寅兵部職方郎中唐順之還自薊州言鎮兵九萬一千有奇見卒五萬七千有奇逃亡三萬三千有奇又多老弱不習戰東漢以漁陽突騎定天下而唐盧龍虎視河北薊兵之雄自古記之矣今臣至鎮見其人物靡然有莫氣而無朝氣無以備緩急則諸臣不任之咎也自今救時之宜責鎮兵為守調客兵為戰練主一枝則減客一枝速其舉軍精銳人賈

餘勇更議免調至於逃亡之故皆由邊垣工役卒歲不休轉石顛崖伐樹深澗力辦不足貸錢賠服而各閩夷人旬撫月賞悉出軍資將領乾沒文吏侵漁兼以石塘古址地既虜衝土尤硠確誰能終日櫻以微纏使其不亡乎請令邊臣悉心區畫禁貪饕加餉給嚴勾補定班戍復本色庶幾有備上以一卒不練總督王忬總兵歐陽安鐫二級限三年課殿最卒如兩廣總兵靖遠伯王瑾劾免運登萊米秋濟遼東叙門工進工部尚書歐陽必進太子太保左侍郎雷禮添注

尚書錦衣衛左都督朱希孝太子太保內官監太監袁亨楚
英各廕錦衣衛總旗餘陞賞有差

壬辰 裕王迎繼妃陳氏

以雲南左布政司鮑道明為應天府府尹

丙申著司官賦額未登雖陞遷不得離任

豐潤伯毛松總兵鎮兩廣

辛丑兵部職方郎中唐順之言薊鎮補兵築墻從之

壬寅王好問彭惟業吳過陳端羅伏孫用郭文輔為試監察

御史

十 朔午前署太常寺事工部尚書徐可成卒可成東安人神樂

觀樂舞生至今官賜祭葬

華州地震有聲越六日再震十二日又大震壞廬舍

辛亥詔邊餉委附近有司支放

南京監察御史李瑚劾胡宗憲誘王直啟寇巡按浙江御史

王本固南京給一 陝西華州十七日 列本錄 憲踪辨

上心知其功不尸

乙卯令鞏昌臨洮諸生聽試河西巡按御史

己未前府懷寧侯孫秉元卒

兵部職方郎中唐順之往浙江視師同督撫勦賊

尚書錦衣衛左都督朱希孝太子太保內官監太監袁亨楚
英各廕錦衣衛總旗餘陞賞有差

壬辰 裕王迎繼妃陳氏

以雲南左布政司鮑道明為應天府府尹

丙申 有司官賦額未登雖陞遷不得離任

豐潤伯毛松總兵鎮兩廣

辛丑 兵部職方郎中唐順之言薊鎮補兵築墻從之

壬寅 王好問彭惟業吳過陳端羅伏孫用郭文輔為試監察

御史

十 朔午前署太常寺事工部尚書徐可成卒可成東安人神樂

觀樂舞生至今官賜祭葬

華州地震有聲越六日再震十二日又大震壞廬舍

辛亥 詔邊餉委附近有司支放

南京監察御史李珣劾胡宗憲誘王直啟寇巡按浙江御史

王本固南京給事中劉克誨劾宗憲老師濫賞宗憲踪辨

上心知其功不問

乙卯 令鞏昌臨洮諸生聽試河西巡按御史

己未 前府懷寧侯孫秉元卒

兵部職方郎中唐順之往浙江視師同督撫勦賊

辛酉進楊博太子太保兼右副都御史仍總督

壬戌上問戶部薊鎮兵食之數尚書賈應春等以不時對

請科道核實具報上責部冊歲報何諉也於是部檄薊密昌平

司餉者各上清冊

癸亥提督京城巡捕都督雲冒統領入衛兵

甲子大同左副總兵都督僉事尚表進都督同知致仕表廉

惠得士心年七十餘恊鎮固求休退許之

五河縣得大杉一圍丈有五尺修六丈六尺出泗水沙中巡撫李

遂獻於朝

壬申虜土蠻十萬騎薄界嶺口建昌副總兵馬芳禦卻之分

犯黑谷墩大掠邊山等處把總馮時雍死之明日二百餘騎還奔

界嶺口芳及總兵歐陽安力戰敗之擒三人斬三十一級

十一月甲戌朔壬午械應天巡撫都御史趙忻松江同知劉敏政吳江知

縣曹賈一麟入京初忻巡松江會金山卒噪刃突松江城下諭

之乃解而崇明戌卒索餉因同知周魯署縣判官薛仕數日

給事中蘓景和劾忻貪墨敏政一麟濟惡忻敏政各降二級

一麟除名

虜入遼陽東州等堡

癸未張桐嗣隆平侯張瑋姪

江西右布政使陳錠為右副都御史總理糧儲提督軍務巡

撫應天

甲申陝西番夷犯莊浪百戶常棟等死之

乙酉免平陽太原雹災夏稅

丙戌浙江工禱雪洪應雷壇

柯梅倭出海總兵俞大猷自沈家門引舟師橫邀擊之稍有斬獲賊遁

走南澳東奔而閩廣之警日至

丁亥勅諭三法司矜卹庶獄

庚寅左春坊左諭德秦鳴雷為翰林院侍讀學士侍讀高拱

為侍講學士陳陞瞿景淳為左諭德吳情為右諭德俱兼侍

讀脩撰裴字陳以勤為司經局洗馬兼侍讀

增建昌撫州守備

左都御史周延滿六年考進太子太保

丙申蠲承天常德岳州荆州直隸衡廬鳳淮揚水災田租

丁酉雪表賀

己亥順天府尹劉養直為戶部右侍郎

壬寅樂平王府奉國將軍旭得松游詐獻助工二百金事覺

幽高墻

二十

癸酉朔南京大理寺右寺丞趙孔昭為南京右僉都御史操

督操江

陞太僕寺卿劉大實為順天府府尹

丁未增御史查刷光祿錢糧月進揭帖光祿寺奏歲費三

十六萬下禮部問狀諭閣臣朕宮中罷宴二十年日膳悉下

品鮮堪御者安所費三十六萬也寺卿盧宗哲具籍上列上

分青膳及皇壇齋事供品二日條上益疑之命御史月核以奏

壬子周府魯山王睦權薨謚榮安

丙寅辰翰林編脩胡正蒙姜金和為侍讀

南京刑部右侍郎曾鈞致仕

庚申大理寺卿錢邦寧為南京刑部右侍郎

癸亥簡太僕寺馬三千匹給御馬監

甲子大築宣大邊墻初總督尚書楊博請之詔發帑銀十萬

五千兩太僕寺銀三萬五千兩宣府志曰北虜年來入寇

攻毀堡砦墩臺遂致人烟多絕炮火罕傳突然而來動踰二

三百里固或知覺行路昧于趨避糧餉阻于轉輸居戍阻牧

人、喘懼如寄身鼎鑊中無復生望矣公甫至乃先順其通

途增設墩堡又或倚堡而墩倚墩而堡居成咸使人庶幾更生

也謂時勢故極有不可以人力挽也信乎

乙丑肅府延安王縉歿謚恭靖

己巳甘肅總兵官孫朝免失事不以聞甘州延綏副總兵徐仁

為署都督僉事總兵官鎮守甘肅

庚午定歲進內庫銀每年連折俸銀百萬外不加預備欵取銀不許虧負

虜大入遼東

前蘓松兵備叅政任環卒環字應乾長治人嘉靖甲辰進士

今廣平沙河憂去補滑縣辛亥徵入京其宗人係藩戚例授

蘓州同知身逐倭累功年四十一已給事申蘓人徐師魯其其功世潞州衛左所

戶贈光祿寺卿

馮時可曰國家北禦虜南禦倭惟兵事為皇皇故士有設

穰苴而得橫拜然身未有歷於疆場者有歷疆場而得捷

然身未有親鋒銛者乃獨厲卒伍衽金草以與此夷死生

也寢沙宿淖沐風櫛雨裹瘡含血餘皇九上九下於溟海

波濤中屢瀕危殆而卒殲巨敵以舒王愾其勛庸不十百

他人哉

張鷟曰公戰則死勇喪則死哀蓋忠孝其天性哉乃知大

節大功能垂宇宙者不虧其性也夫温嶠趙苞之不堪為

名臣也從古恨之矣不勝其悲也夫此誠使臣之不封也
木邦宣慰使罕拔與隴川宣撫多士寧仇殺巡撫右副都御
史游居敬遣指揮路九萬撫之

此書中委賂文以爲平強正論以爲五言其詞極其
山巖沙磧新水風對面其詞極其壯麗其詞極其
然其末有餘筆其詞極其壯麗其詞極其壯麗其詞極其
縣直所判判判判判判判判判判判判判判判判判判
西都者曰國者其樂其樂其樂其樂其樂其樂其樂其樂

聖